

**AUGLÝSING**  
**um staðfestingu úthlutunarreglna Lánasjóðs íslenskra**  
**námsmanna fyrir skólaárið 2015-2016.**

Með vísan til 2. mgr. 16. gr. laga um Lánasjóð íslenskra námsmanna, nr. 21/1992, með áorðnum breytingum, hefur mennta- og menningarmálaráðherra hinn 19. mars 2015 staðfest úthlutunarreglur Lánasjóðs íslenskra námsmanna fyrir námsárið 2015-2016 samkvæmt fylgiskjali með auglýsingu þessari. Úthlutunarreglurnar voru samþykktar á fundi stjórnar Lánasjóðs íslenskra námsmanna hinn 13. febrúar 2015 og taka gildi 1. apríl 2015.

*Mennta- og menningarmálaráðuneytinu, 19. mars 2015.*

**Illugi Gunnarsson.**

---

*Ásta Magnúsdóttir.*

**Fylgiskjal.****I. KAFLI  
Lánshæft nám.****1.1 Almenn.**

Sjóðurinn veitir námslán til framhaldsnáms við viðurkennda skóla eða menntastofnanir sem veita æðri menntun er leiðir til prófgráðu á háskólastigi. Sjóðnum er heimilt að veita námslán til sérnáms.

Nám telst lánshæft ef það er skipulagt sem fullt nám í kennsluskrá skóla, 60 ECTS-einingar (ECTS stendur fyrir „European Credit Transfer and Accumulation System“) á hverju skólaári eða a.m.k. 30 ECTS-einingar á hverju misseri í þeim tilvikum þegar námsskipulagið nær ekki yfir heilt skólaár. Skráning nemenda hjá skóla ræður því hvort námsmaður telst í lánshæfu námi eða ekki.

Heimilt er að veita námslán vegna skólagjalda, án framfærslu, til náms sem ekki er skipulagt sem 60 ECTS-eininga nám á skólaárinu, sbr. 2. mgr. Námið verður þó að vera skipulagt sem a.m.k. 45 ECTS-eininga nám á hverju námsári, þ.e. 75% af fullu námi, sbr. gr. 2.1, þó aldrei á lengri tíma en 12 mánuðum.

Lán er ekki veitt til náms sem er liður í launuðu starfi samkvæmt ráðningarsamningi. Þetta gildir m.a. um launað framhaldsnám lækna.

Lán er ekki veitt til undirbúningsnáms né heldur til náms sem er framhald af doktorsprófi eða sambærilegu prófi.

Hafi námsmaður fullnýtt svigrúm sitt til lána á ákveðinni námsbraut eða ákveðnu skólastigi, sbr. gr. 2.1, telst frekara nám á viðkomandi námsbraut/skólastigi ekki lánshæft.

Skilyrði aðstoðar frá sjóðnum er að umsækjandi sé orðinn fjárráða á þeirri önn sem sótt er um námslán vegna.

**1.1.1 Réttindi íslenskra námsmanna.**

Íslenskir ríkisborgarar eiga rétt til námslána uppfylli þeir eitt af eftirtöldum skilyrðum, sbr. 3. gr. reglugerðar nr. 478/2011:

1. Umsækjandi hafi haft 5 ára samfellda búsetu á Íslandi fyrir umsóknardag.
2. Umsækjandi hafi verið við launuð störf hér á landi:
  - a. síðustu 12 mánuði fyrir umsóknardag og haft samfellda búsetu á Íslandi á sama tíma eða,
  - b. starfað í skemmri tíma en 12 mánuði fyrir umsóknardag og haft búsetu á Íslandi í tvö ár samanlagt á samfelldu 5 ára tímabili.
3. Hafi launað starf umsækjanda síðustu 12 mánuði fram að upphafi náms ekki verið samfellt, er þó heimilt að samþykkja umsókn í ákveðnum tilvikum sem eru tilgreind í 3. gr. reglugerðar nr. 478/2011.

Að auki er stjórn sjóðsins heimilt í sérstökum tilfellum að leggja sterk tengsl umsækjanda við Ísland að jöfnu við að framangreind skilyrði séu uppfyllt.

**1.1.2 Réttindi norrænna námsmanna.**

Námsmenn frá Norðurlöndum, sem heimilisfastir eru á Íslandi og stunda lánshæft nám hérlendis, njóta námsaðstoðar til jafns við íslenska námsmenn enda hljóti þeir ekki námsaðstoð frá heimalandi sínu sbr. samkomulag milli Norðurlanda um þessi efni eins og það er á hverjum tíma.

**1.1.3 Réttindi EES-ríkisborgara sem eru launþegar/sjálfstætt starfandi og fjölskyldumeðlima þeirra.**

Námsmenn, sem eru launþegar/sjálfstætt starfandi eða halda þeirri stöðu samkvæmt reglum EES-réttar og eru ríkisborgarar í EES-ríki og fjölskyldur þeirra og aðrir sem eru á þeirra framfæri, eiga rétt á námslánum í samræmi við skilyrði 4. gr. reglugerðar nr. 478/2011.

**1.1.4 Réttindi EES-ríkisborgara annarra en sem tilgreindir eru í grein 1.1.3.**

Námsmenn sem eru ríkisborgarar í EES-ríki, aðrir en þeir sem tilgreindir eru í grein 1.1.3 eiga rétt á námslánum í samræmi við skilyrði 5. gr. reglugerðar nr. 478/2011.

### 1.1.5 Réttindi annarra erlendra námsmanna.

Erlendir ríkisborgarar öðlast lánsrétt eins og íslenskir námsmenn á þeirri önn sem samþykkt er að veita þeim íslenskan ríkisborgararétt.

Erlendir ríkisborgarar, aðrir en ríkisborgarar á Evrópska efnahagssvæðinu (EES) geta sótt um námslán vegna náms sem er stundað á Íslandi eða á Norðurlöndunum ef þeir uppfylla eftirtalin skilyrði:

1. eru í hjúskap með íslenskum ríkisborgurum sem uppfylla ákvæði. gr. 1.1.1, og
2. hafa átt lögheimili á Íslandi að lágmarki 2 ár, sl. 5 ár áður en nám hefst.

### 1.2 Lánshæft nám á Íslandi.

#### 1.2.1 Háskólanám.

Nám á háskólastigi er lánshæft og það nám annað sem gerir sambærilegar kröfur til undirbúningsmenntunar og nám á háskólastigi. Nám á háskólastigi í eftirtöldum skólum er lánshæft:

Háskóla Íslands  
Háskólanum á Akureyri  
Háskólanum á Bifröst  
Háskólanum á Hólum  
Háskólanum í Reykjavík  
Landbúnaðarháskóla Íslands  
Listaháskóla Íslands

#### 1.2.2 Sérnam á Íslandi.

Lánshæft sérnám á Íslandi er löggilt iðnnám og annað a.m.k. eins árs starfsnám á framhaldsskólastigi sem hlotið hefur staðfestingu ráðherra samkvæmt lögum nr. 92/2008 um framhaldsskóla og uppfyllir að auki eftirfarandi skilyrði:

1. námið hafi fengið jákvæða umsögn af viðkomandi starfsgreinaráði,
2. námið sé ekki launað samkvæmt kjarasamningi umfram grunnframfærslu námslana á Íslandi, sbr. gr. 3.1.1 og 3.2,
3. námslok séu á þriðja hæfnisþrepi,
4. sambærilegt nám sé almennt ekki í boði á háskólastigi hér á landi.

Ef sérnám hefst beint eftir grunnskólapróf skal ekki veita framfærslulán vegna fyrstu annar námsins og sé námið skipulagt lengra en fimm annir skal ekki veita framfærslulán vegna tveggja fyrstu annanna. Að hámarki skal veita lán fyrir 75% af heildarnámstíma að meðtöldum launuðum starfsnámstíma.

Nám í fjölbrauta- og menntaskólum og öðrum skólum sem bjóða upp á nám sem er liður í undirbúningi til stúdentsprófs eða sambærilegs prófs, er ekki lánshæft skv. þessari grein.

Í fylgiskjali IV er birtur leiðbeinandi listi yfir sérnám á Íslandi sem ætla má að sé lánshæft en endanleg niðurstaða þess ræðst af því hvort að viðkomandi námi ljúki á þriðja hæfnisþrepi, sbr. ofangreint.

### 1.3 Lánshæft nám erlendis.

#### 1.3.1 Háskólanám.

Lánað er til náms við alþjóðlega viðurkennda háskóla erlendis, sem gera sambærilegar kröfur til nemenda og gerðar eru í háskólanámi hérlendis, sjá þó ákvæði gr. 4.5 um lán vegna skólagjalda.

#### 1.3.2 Sérnam.

Heimilt er að veita lán til sérnáms erlendis. Lánshæfi er háð því að um sé að ræða viðurkenndan skóla af menntamálayfirvöldum í landinu, námið sé skipulagt sem a.m.k. eins árs nám og sé nægilega veigamikið að mati stjórnar sjóðsins hvað varðar eðli, uppbyggingu, inntökuskilyrði og starfsréttindi. Gerðar eru sams konar kröfur til lánshæfs sérnáms erlendis og sérnáms innanlands, þ. á m. um að sambærilegt nám sé ekki í boði á háskólastigi. Ekki er lánað til starfsnáms sem er launað skv. kjarasamningi umfram grunnframfærslu, sbr. gr. 3.1.2 og 3.2.

### 1.3.3 Einkánám í tónlist.

Skilyrði láns til einkánáms í tónlist er að umsækjandi hafi lokið viðurkenndu háskólaprófi í tónlist. Hámarksnámsstími sem lánað er til einkánáms er eitt námsár eða 60 ECTS-einingar, sbr. þó gr. 2.3.1.

Umsækjandi þarf að leggja fram upplýsingar um nafn og stöðu kennara, viðfangsefni, námsfyrirkomulag og tónleika ásamt efnisskrám og staðfestingu kennara. Almennt er gerð krafa um að kennari starfi eða hafi starfsreynslu sem tónlistarskólakennari á háskólastigi.

Frá og með námsárinu 2016-2017 verður einkánám í tónlist ekki lánshæft nám hjá LÍN.

### 1.3.4 Tungumálanám sem undirbúningsnám.

Heimilt er að veita lán til tungumálanáms ef það er nauðsynlegur undirbúningur undir lánshæft nám í landi þar sem annað tungumál en enska og Norðurlandamál (annað en finnska) er talað.

Heimilt er að líta á undirbúningsnám í tungumálum sem nám á meistara- eða doktorsstigi, sbr. gr. 2.3.2 og 2.3.3, hafi námsmaður lokið grunnháskólanámi og hyggist stunda meistara- eða doktorsnám í sömu grein.

Ef námsmaður hefur áður fengið lán til að stunda nám í viðkomandi tungumáli er ekki veitt lán til undirbúningstungumálanáms.

Hámarkseiningafjöldi sem veitt er lán til skv. þessari grein, fer eftir viðkomandi tungumáli og er á bilinu 30-90 ECTS-einingar. Sjá nánar í fylgiskjali III.

Ef lánþegi skiptir um námsland að loknu tungumálanámi er honum synjað um aðstoð jafn lengi og hann naut aðstoðar í því námi. Fáir námsmaður tungumálanámið metið til styttingar á nýju námi kemur það til styttingar á þeim tíma sem námsmaður á ekki rétt á aðstoð.

Lánshæfi undirbúningsnáms í tungumálum er háð því að um sé að ræða a.m.k. tveggja mánaða skipulagt nám sem talist getur nægjanlega veigamikil að því er varðar eðli og uppbyggingu að mati stjórnar sjóðsins (a.m.k. 15 kennslustundir á viku). Einungis er veitt lán einu sinni til undirbúningsnáms í tungumálum.

Áður en lán vegna undirbúningsnáms í tungumálum er afgreitt að fullu þarf að liggja fyrir staðfesting á inngöngu í lánshæft nám.

### 1.3.5 Upplýsingar um lánshæft nám erlendis.

Hjá sjóðnum liggja fyrir upplýsingar um skóla og námsbrautir sem lánað hefur verið til. Ef sótt er um lán í skóla eða námsbraut sem sjóðurinn hefur ekki lánað til þarf stjórn sjóðsins að fjalla um málið. Námsmaður þarf þá að útvega ítarlegar upplýsingar um námið.

Sjóðnum er á hverjum tíma heimilt að endurskoða og endurmeta hvort skólar og námsbrautir séu lánshæfar hjá sjóðnum. Þó að skóli eða námsbraut hafi verið lánshæf telst það ekki loforð eða trygging fyrir því að svo verði áfram.

## II. KAFLI Námsframvinda.

### 2.1 Almennt.

Almennt telst námsmaður í fullu námi ljúki hann 60 ECTS-einingum eða ígildi þeirra á skólaári í einum námsferli. Nýr námsferill hefst skipti námsmaður um skóla, námsgrein eða námsgráðu.

Veitt er að hámarki lán fyrir 30 ECTS-einingum á hverju misseri eða 20 ECTS-einingum á hverjum fjórðungi. Á sumarönn er veitt lán fyrir að hámarki 20 ECTS-einingum. Aldrei er veitt meira lán en fyrir 80 ECTS-einingum á hverju námsári.

Hámarksfjöldi eininga sem lánað er fyrir á einstökum námsbrautum tekur mið af skipulagi skóla samþykktu af stjórn sjóðsins. Einungis er tekið tillit til námskeiða sem nýtast til lokaprófs en metnar einingar úr fyrra námi teljast ekki til námsframvindu.

Heildarsvigrúm til þess að ljúka námi ákveðst af reglum sjóðsins um framvindu náms, sbr. 2. mgr., og leyfilegum hámarkseiningafjölda, sbr. gr. 2.3. Námsmaður telst hafa fullnýtt svigrúm sitt þegar hann hefur fengið lán eða frestun á lokun skuldabréfs í þann ára- eða einingafjölda sem heildarsvigrúm gerir ráð fyrir.

### 2.1.1 Sumartími.

Nám á sumarönn tilheyrir undangengnu skólaári. Námsmaður þarf að ljúka að lágmarki 15 ECTS-einingum á sumarönn til að eiga rétt á sumarláni. Aldrei er veitt meira lán en sem nemur 20 ECTS-einingum á sumarönn og 80 ECTS-einingum samtals á hverju námsári. Sækja þarf sérstaklega um sumarlán. Til að eiga rétt á sérstöku skólagjaldaláni á sumarönn þarf námsmaður að ljúka a.m.k. 60 ECTS-einingum á námsárinu, sbr. gr. 4.5.

### 2.2 Lánshæfar einingar.

Til að eiga rétt á námsláni þarf námsmaður að ljúka að lágmarki 22 ECTS-einingum eða ígildi þeirra á hverju misseri eða samsvarandi hlutfalli á önn í fjórðungaskólum í einum námsferli. Einungis er heimilt að veita lán til náms í tveimur eða fleiri námsferlum á sömu önn ef námsmaður er að ljúka grunnháskólanámi og hefur fengið leyfi skóla til að hefja meistaranám í sama fagi. Sama gildir þegar námsmanni er gert af skóla að bæta við sig námskeiðum í lánshæfu grunnháskólanámi samhliða meistaranámi. Þessi heimild er háð því að námsmaður hafi ekki áður fullnýtt svigrúm sitt til námslána skv. gr. 2.3.

Ljúki námsmaður 22 - 30 ECTS-einingum á misseri á hann rétt á láni vegna lokinna eininga, þ.e. allt að 30 einingum.

Einungis er lánað einu sinni fyrir hverja lokna einingu nema í námi þar sem fjöldatakmörkanir eru, sbr. gr. 2.4.1.

### 2.3 Námslengd.

Hver námsmaður getur fengið námslán fyrir allt að 540 ECTS-einingum samanlagt með þeim takmörkunum sem leiðir af skiptingu lánsréttar milli námsstiga. Í gr. 2.3.1 – 2.3.5 er gerð nánari grein fyrir skiptingu lánsréttar milli námsstiga.

#### 2.3.1 Grunnám.

Námsmaður á rétt á láni fyrir 180 ECTS-einingum í grunnnámi. Með grunnnámi er átt við sérnám, grunnháskólanám og einkanám í tónlist.

#### 2.3.2 Meistaranám.

Námsmaður á rétt á láni fyrir 120 ECTS-einingum í meistaranámi eða sambærilegu námi að loknu þriggja ára háskólanámi skv. skipulagi skóla samþykktu af stjórn sjóðsins. Í bandarískum háskólum er þó miðað við nám eftir fjögur ár. Allt að eins árs starfstengt viðbótarháskólanám, sem ekki lýkur með æðri prófgráðu, t.d. kennslufræði til kennsluréttinda, félagsráðgjöf, listnám og námsráðgjöf, getur talist vera nám á meistarastigi.

#### 2.3.3 Doktorsnám.

Námsmaður á rétt á láni fyrir 120 ECTS-einingum í doktorsnámi. Hafi námsmaður ekki fullnýtt svigrúm sitt skv. grein 2.3.2 er heimilt að nýta eftirstöðvar þeirrar lánsheimildar til doktorsnáms.

#### 2.3.4 Sameiginlegt svigrúm.

Að auki á hver námsmaður rétt á láni fyrir 120 ECTS-einingum til viðbótar að eigin vali á grunn-, meistara- eða doktorsstigi.

#### 2.3.5 Ákvæði til bráðabirgða.

Námsmaður sem hóf nám á grundvelli eldri reglna þ.e. á árunum 2011-2014, skal njóta þess réttar sem hann hafði samkvæmt eldri reglum til að ljúka þeim námsferli að því tilskildu að hann hafi ekki gert lengra hlé en eitt ár frá námi. Regla þessi er til bráðabirgða og veitir einungis réttindi til loka námsársins 2016-2017.

#### 2.3.6 Fimm og tíu ára reglurnar.

Námsmenn sem stunda áfram sama nám og þeir voru byrjaðir í fyrir námsárið 2011-2012 og hafa ekki gert lengra hlé á námi sínu en eitt námsár síðan 2010-2011, njóta áfram lánsheimildar skv. gr. 2.3.2 og 2.3.3 (5 og 10 ára reglurnar) eins og þeim er lýst í úthlutunarreglum 2010-2011.

### 2.4 Aukið svigrúm í námi.

Þeir námsmenn sem **ekki** uppfylla skilyrði sjóðsins um lágmarksnámsframvindu, sbr. gr. 2.2, geta sótt um undanþágu vegna aðstæðna sem tilgreindar eru í gr. 2.4.1 – 2.4.6. Í þeim tilfellum sem

undanþágur eru samþykktar miðast lánsréttur við lágmarkseiningafjölda, þ.e. 22 ECTS-einingar á misseri í misseraskólum eða 15 ECTS-einingar á önn í fjórðungaskólum.

Þar sem kveðið er á um afhendingu læknisvottorðs í þessum kafla áskilur sjóðurinn sér heimild til þess að óska eftir því að trúnaðarlæknir sjóðsins á hverjum tíma afli upplýsinga hjá viðkomandi lækni um innsent vottorð og gefi umsögn um efni þess. Verði slíkar upplýsingar **ekki** veittar getur sjóðurinn litið svo á að fullnægjandi umsókn hafi **ekki** verið skilað.

#### 2.4.1 Almenn.

Námsmaður sem lýkur fleiri en 30 ECTS-einingum á misseri á rétt á að nýta umframeiningarnar á öðru misseri sama námsárs svo framarlega sem lágmarksárangri sé náð á því misseri, sbr. gr. 2.2, eða flytja umframeiningarnar á síðari námsár í sama námsferli. Nýr námsferill hefst skipti námsmaður um skóla, námsgrein eða námsgráðu.

Að loknu skólaári (haust- og vorönn) skal árangur ársins gerður upp. Skili námsmaður þá samantlagt a.m.k. 44 ECTS-eininga árangri á skólaárinu í heild, á hann rétt á láni í hlutfalli við árangur á einstökum önnum skólaársins, þó aldrei meira en 30 ECTS-einingum á hvorri önn, sbr. gr. 2.1. Missi námsmaður rétt til eininga sem hann hafði áður áunnið sér og fengið lán til að ljúka telst hann skulda þann einingafjölda sem hann missti rétt til og skal skuld hans þá dregin frá þeim einingum sem hann lýkur áður en lánsréttur hans er metinn. Einingaskuld sem er orðin meira en tíu ára gömul skal þó ekki meðtalin. Þetta á m.a. við þegar endurtaka þarf nám vegna fjöldatakmarkana sem kveðið er á um í reglugerð viðkomandi skóla, eða vegna þess að námsmaður gerir of langt hlé á námi skv. reglum skóla. Þó er heimilt að veita námsmanni, sem skilað hefur fullnægjandi árangri á fyrsta misseri en ekki komist áfram í námi eingöngu vegna reglna um fjöldatakmarkanir, lán til þess að endurtaka misserið einu sinni.

Ef námsmaður hefur fengið lán í skiptinámi erlendis (t.d. Erasmus eða Nordplus) og einingarnar í skiptináminu nýtast ekki að fullu til lokaprófs, er heimilt á lokaönn námsins að veita undanþágu frá gr. 2.1 og samþykkja lán fyrir viðbótareiningum umfram hámarkseiningafjölda námsins skv. skipulagi skóla. Þessi undanþága heimilar að veitt sé lán fyrir 22 ECTS-einingum í misseraskóla og 15 ECTS-einingum í fjórðungaskóla á einni önn, ljúki námsmaður að lágmarki þeim einingafjölda.

#### 2.4.2 Mat á ástundun.

Heimilt er að veita lán að fengnu ástundunarvottorði ef námsmaður tekur einungis próf einu sinni á ári eða eftir lengri tíma. Lán er þá veitt í samræmi við árangur ef námsframvinda er metin í vottorðinu. Heimilt er að veita lán út á 30 ECTS-einingar ef skýrt kemur fram í vottorði að viðkomandi hafi stundað fullt nám. Þegar niðurstaða námsársins liggur fyrir er námsframvindan endurmetin. Komi þá í ljós að námsframvinda er **ekki** fullnægjandi á námsárinu er framfærslulán vormisseris **ekki** afgreitt og fyrirframgreidd skólagjaldalán vegna vormisseris endurkrafin sem ofgreidd lán, sbr. gr. 5.7.

Sé námsmaður að ljúka námi er **ekki** heimilt að afgreiða lán að fullu á námsárinu fyrr en staðfesting á námslokum liggur fyrir.

#### 2.4.3 Veikindi.

Skilyrði fyrir því að námsmaður eigi rétt á auknu svigrúmi skv. þessari grein er að hann hafi áður skilað fullnægjandi árangri í lánshæfu námi eða hann skili fullnægjandi árangri á næsta misseri eftir að hann þarf á svigrúminu að halda.

Heimilt er við mat á námsframvindu að taka tillit til þess ef námsmaður veikist verulega á námstíma. Er þá heimilt að bæta allt að 6 ECTS-einingum í misseraskólum og samsvarandi hlutfalli í fjórðungaskólum við loknar einingar þannig að lánsréttur miðist við lágmarkseiningafjölda, sbr. gr. 2.4. Veikist námsmaður á seinni hluta annar eða í prófum er heimilt að bæta allt að 22 ECTS-einingum í misseraskólum og samsvarandi hlutfalli í fjórðungaskólum við loknar einingar þannig að lánsréttur miðist við lágmarkseiningafjölda, sbr. gr. 2.4. Í þeim tilfellum þar sem námsmaður verður að hverfa frá námi vegna veikinda er heimilt að veita hlutfallslegt lán fyrir þann tíma sem námsmaður stundaði nám og staðfestur er af skólayfirvöldum, að hámarki 22 ECTS-einingar í misseraskólum og samsvarandi hlutfall í fjórðungaskólum. Í þeim tilfellum þar sem námsmaður hefur greitt skólagjald fyrir tímabilið og fær það **ekki** endurgreitt frá skóla (staðfest af umræddum

skóla), verður hann **ekki** endurkrafinn um skólagjaldalánið eins og um ofgreidd lán hefði verið að ræða. Hámarkssvigrúm eykst **ekki** að jafnaði vegna þessa.

Undanþága þessi getur einnig átt við ef alvarleg veikindi maka, barns eða foreldra námsmanns hafa kallað á innlögn á sjúkrahús eða sambærilega umönnun og þau raskað verulega högum námsmannsins.

Skilyrði fyrir veitingu undanþágu vegna veikinda námsmanns er að námsmaður framvísi læknisvottorði þar sem greinilega komi fram á hvaða tíma vitjað var læknis og á hvaða tímabili námsmaður var óvinnufær vegna veikinda að mati læknis. Skilyrði fyrir veitingu undanþágu vegna veikinda maka, barns eða foreldra er að læknisvottorði sé framvísað þar sem greinilega komi fram hvenær læknis var vitjað, að um veruleg veikindi hafi verið að ræða og hvenær umönnunar var þörf. Með sambærilegum hætti er heimilt að taka tillit til andláts nánustu aðstandenda við mat á námsframvindu. Til nánustu aðstandenda skv. þessari reglu skulu t.a.m. teljast maki, börn og foreldrar námsmanns, systkini námsmanns og börn þeirra.

Námsmaður sem hefur fengið undanþágu vegna veikinda en skilað minna en 16 ECTS-einingum í misseraskólum og samsvarandi hlutfalli í fjórðungaskólum á **ekki** rétt á að tekið sé tillit til veikinda að nýju fyrr en hann hefur skilað námsárangri sem hann vantaði til að ljúka framangreindum 16 ECTS-einingum í misseraskólum og samsvarandi hlutfalli í fjórðungaskólum.

#### 2.4.4 Barneignir.

Almennt skilyrði fyrir því að námsmaður eigi rétt á auknu svigrúmi skv. þessari grein er að hann hafi verið skráður í lánshæft nám á síðasta misseri á undan eða hann skili fullnægjandi árangri á næsta misseri eftir að hann þarf á svigrúminu að halda.

Eignist námsmaður barn á námstíma er heimilt að bæta allt að 16 ECTS-einingum í misseraskólum og samsvarandi hlutfalli í fjórðungaskólum við loknar einingar þegar lán til hans er reiknað og miðast þá lánsréttur hans við lágmarkseiningafjölda, sbr. gr. 2.4. Hámarkssvigrúm eykst **ekki** vegna þessa. Tímabilið sem hægt er að nýta aukið svigrúm vegna fæðingar barns fyrir námsmenn í námi er aldrei meira en 2 annir eftir fæðingu barns. Móðir getur þó átt rétt á auknu svigrúmi allt að 3 mánuðum fyrir fæðingu barns vegna veikinda á meðgöngu. Réttur til aukins svigrúms vegna barn-eigna færist **ekki** á milli námsára nema barnið fæðist á vor- eða sumarönn. Fæðingarvottorð/læknisvottorð þarf að liggja fyrir í slíku tilviki.

Skilyrði þessarar undanþágu er að námsmaður fari með forsjá barns og barnið eigi lögheimili hjá honum eða búi sannanlega hjá honum á námstíma. Samanlagt skal þó viðbótarsvigrúm beggja foreldra vegna barneignar **ekki** vera hærra en 16 ECTS-einingar í misseraskólum og samsvarandi hlutfall í fjórðungaskólum.

#### 2.4.5 Örorka.

Geti námsmaður vegna örorku sinnar ekki skilað lágmarksnámsárangri, sbr. gr. 2.2 er heimilt að bæta allt að 13 ECTS-einingum í misseraskólum og samsvarandi hlutfalli í fjórðungaskólum við loknar einingar og miðast þá lánsréttur hans við lágmarkseiningafjölda, sbr. gr. 2.4.

Skilyrði fyrir undanþágu samkvæmt þessari grein er að fyrir liggi mat læknis á að læknisfræðileg örorka viðkomandi sé a.m.k. 75%. Sækja þarf sérstaklega um fyrirnefnda undanþágu til stjórnar sjóðsins. Umsókn þarf að fylgja læknisvottorð.

#### 2.4.6 Lesblinda og aðrir sértækir námsörðugleikar.

Geti námsmaður vegna lesblindu eða annarra sértækra námsörðugleika ekki skilað lágmarksnámsárangri, sbr. gr. 2.2 er heimilt að bæta allt að 13 ECTS-einingum í misseraskólum og samsvarandi hlutfalli í fjórðungaskólum við þær einingar sem lokið er og miðast þá lánsréttur við lágmarkseiningafjölda, sbr. gr. 2.4.

Skilyrði fyrir undanþágu samkvæmt þessari grein er að fyrir liggi staðfest vottorð/greining um námsörðugleika sem staðfestir að námsmaður geti ekki skilað lágmarksnámsárangri vegna lesblindu eða annarra sértækra námsörðugleika að teknu tilliti til þess svigrúms sem skóli veitir viðkomandi námsmanni til ástundunar náms, próftöku o.s.frv. Þá skal einnig fylgja staðfesting skóla sama efnis. Sækja þarf sérstaklega um fyrirnefnda undanþágu til stjórnar sjóðsins.

### 2.4.7 Einingaskil við sérstakar aðstæður og námslok.

Námsmaður sem á einungis kost á því að stunda nám í 10 ECTS-eininga eða 20 ECTS-eininga áföngum á tiltekinni önn, getur fengið lán í hlutfalli við þær einingar sem lokið er svo fremi sem hann ljúki að minnsta kosti 20 ECTS-einingum. Skilyrði þessarar undanþágu er að námsmaður sé skráður í fullt nám (30 ECTS-einingar) til loka annar.

Námsmaður sem á eftir minna en sem nemur 22 ECTS-einingum af einu misseri á lokamisseri í námi getur fengið lán í réttu hlutfalli við þann einingafjölda sem hann á ólokið, enda séu einingaskil **ekki** undir 12 ECTS-einingum.

Námsmaður sem **ekki** getur lokið 22 ECTS-einingum á misseri vegna skipulags skóla eða vegna mats á fyrra námi, getur fengið lán í réttu hlutfalli við þann einingafjölda sem hann lýkur, enda ljúki hann öllum einingum sem í boði eru og einingaskil **ekki** undir 15 ECTS-einingum.

## III. KAFLI

### Grunnframfærsla og tekjur.

#### 3.1 Grunnframfærsla.

##### 3.1.1 Grunnframfærsla á Íslandi.

Grunnframfærsla á námstíma á skólaárinu er miðuð við námsmann í fullu námi (60 ECTS-einingar á skólaárinu) og er sett fram í fylgiskjali I.

##### 3.1.2 Grunnframfærsla í útlöndum.

Grunnframfærsla í útlöndum á námstíma á skólaárinu er miðuð við landið/borgina þar sem skólinn er staðsettur samkvæmt því sem er ákveðið í fylgiskjali II og miðast við námsmann í fullu námi (60 ECTS-einingar á skólaárinu).

##### 3.1.3 Grunnframfærsla skiptinema.

Skiptinemar geta óskað eftir að grunnframfærsla þeirra taki mið af framfærslu í því landi þar sem skiptinámið er stundað og miðast útreikningar á framfærslu í nýju landi við gengi 1. júní 2015. Þessi regla á **ekki** við um Erasmus- og Nordplus-styrkþega og aðra skiptinema sem njóta sambærilegra styrkja í skiptináminu.

##### 3.1.4 Grunnframfærsla fjarnámsnema.

Grunnframfærsla fjarnámsnema miðast við grunnframfærslu á Íslandi. Sama gildir varðandi viðbótarlán vegna húsnæðiskostnaðar, sbr. gr. 4.2.

#### 3.2 Framfærsla námsmanns.

Auk grunnframfærslu hafa þær aðstæður sem tilgreindar eru í gr. 4.2 – 4.6 áhrif á framfærslu námsmanns. Tekið er tillit til framfærslu barna yngri en 18 ára sem eru á framfæri námsmanns. Lán samkvæmt gr. 4.7 – 4.9 eru til viðbótar lánum til framfærslu námsmanns. Tekjur geta því komið til frádráttar þessum lánum samkvæmt ákvæðum gr. 3.3.

#### 3.3 Tekjur.

##### 3.3.1 Tekjur.

Tekjur námsmanns og maka á árinu 2015, eins og þær eru skilgreindar af stjórn sjóðsins, geta haft áhrif á veitta aðstoð á skólaárinu. Stundi námsmaður nám erlendis, eru tekjur hans yfirfærðar í mynt námslands miðað við gengi hinn 1. júní 2015.

45% tekna námsmanns á árinu 2015 umfram 930.000 kr. koma til frádráttar á námsláni. Í þeim tilfellum þegar veitt eru makalán koma 45% sameiginlegra tekna hjóna/einstaklinga í skráðri sambúð á árinu 2015 umfram 1.395.000 kr. til frádráttar á námsláni. Frádrætti vegna tekna skal að jafnaði dreift jafnt á 60 ECTS-einingar.

##### 3.3.2 Komið úr námshléi.

Heimilt er að þrefalda frítekjumark námsmanns sem kemur úr námshléi, sbr. gr. 3.3.1, enda liggja fyrir að hann hafi ekki verið í námi sl. 6 mánuði. LÍN áskilur sér rétt til að óska eftir gögnum því til staðfestingar ef þess er talin þörf.



### 3.3.3 Tekjuáætlun – skattframtal.

Áður en til þess kemur að veita lán vegna náms á haustmisseri skal námsmaður skila inn upplýsingum um áætlaðar tekjur á árinu 2015.

Áður en til þess kemur að veita lán vegna náms á vormisseri skulu sjóðnum berast staðfestar skattframtalsupplýsingar vegna tekna á árinu 2015.

### 3.3.4 Endanlegt tekjutillit.

Endanlegt tekjutillit á sér stað eftir álagningu skattyfirvalda. Séu tekjur lánþega þá áætlaðar skal sjóðurinn ákvarða honum námsaðstoð í samræmi við áætlunina. Ákvörðunin er endanleg nema lánþegi geri athugasemd við hana innan 30 daga frá því lánþega var kynnt ákvörðunin. Skal þá heimilt að endurskoða hana í samræmi við nýjar tekjuupplýsingar staðfestar af skattyfirvöldum.

### 3.3.5 Ófullnægjandi tekjuáætlun.

Stjórn sjóðsins getur breytt ófullnægjandi tekjuáætlun.

## 3.4 Hvað telst til tekna?

### 3.4.1 Tekjur á árinu 2015.

Allar tekjur sem mynda skattstofn á árinu 2015 teljast til tekna við útreikning á láni samkvæmt gr. 3.3.

### 3.4.2 Námsstyrkir.

Skattskyldir náms- og rannsóknarstyrkir og kennslulaun, t.d. „teaching assistantship“ og „utbildningsbidrag“ reiknast sem tekjur, sbr. gr. 4.5.

### 3.4.3 Sérstakir námsstyrkir.

Styrkir sem veittir eru á vegum Nordplus og Erasmus og annarra sambærilegra skiptinemasamtaka hafa engin áhrif á lán.

### 3.4.4 Frádráttur frá tekjum.

Til frádráttar tekjum koma:

- a) skólagjöld sem námsmaður fær ekki lánað fyrir vegna þess að hann hefur nýtt skólagjaldarétt sinn skv. gr. 4.5 og
- b) föst afborgun námsláns sem til fellur og greidd er á aðstoðartímabilinu.

### 3.4.5 Viðbótarlífeyrissparnaður greiddur út 2015.

Þeir umsækjendur sem fá greiddan út viðbótarlífeyrissparnað á árinu 2015 geta óskað eftir því að hann verði undanþeginn við útreikning á námsláni á skólaárinu. Sækja verður um leiðréttingu vegna skólaársins fyrir 1. maí 2016.

## 3.5 Upplýsingaskylda námsmanns og maka vegna tekna.

Með undirritun umsóknar veita námsmaður og maki sjóðnum heimild til að kanna skattframtöl þeirra á þeim tíma sem lán eru veitt eða endurgreiðsla lána stendur yfir. Tekjuupplýsingar skulu gefnar upp skv. beiðni sjóðsins.

## IV. KAFLI Lánaflokkar.

### 4.1 Almennar forsendur.

Lán taka almennt mið af aðstæðum, fjölskyldustærð og búsetu, eins og þær eru skráðar í þjóðskrá hinn 1. september ár hvert. Ef aðstæður breytast á skólaárinu eftir 1. september er þó tekið tillit til þess við ákvörðun lána samkvæmt gr. 4.2 - 4.4 og 4.9 og mun það leiða til hækkunar eða lækkunar á þeim lið eins og við á.

### 4.2 Lán með tilliti til húsnæðis.

Námsmenn sem uppfylla skilyrði sjóðsins til þess að fá lán til framfærslu eiga rétt á láni sem nemur grunnframfærslu, sbr. gr. 3.1. Námsmenn geta einnig átt rétt á viðbótarláni vegna húsnæðis-kostnaðar ef þeir búa í leiguhúsnæði eða eigin húsnæði. Sé óskað eftir slíku viðbótarláni skal námsmaður sanna eðlilegar leigugreiðslur með afriti af greiðslumiða til skattyfirvalda eða staðfesta íbúðareign með vottorði frá Þjóðskrár/þinglýsingarvottorði.

Námsmenn sem **ekki** búa í leiguhúsnæði eða eigin húsnæði eiga **ekki** rétt á viðbótarframbærslu vegna húsnæðiskostnaðar, sbr. greinar 4.2.1 – 4.2.3.

Fjárhæð viðbótarlans vegna húsnæðiskostnaðar tekur mið af fjölskylduáðstæðum námsmanns, það er hjúskaparstöðu og fjölda barna á heimili. Þær fjárhæðir sem um ræðir eru nánar tilgreindar í fylgiskjali I vegna náms á Íslandi og fylgiskjali II vegna náms erlendis.

#### 4.2.1 Einstaklingar sem búa í leiguhúsnæði eða eigin húsnæði.

Einstaklingur, sem býr einn í leiguhúsnæði eða eigin húsnæði á rétt á viðbótarláni vegna húsnæðiskostnaðar að fjárhæð 10.125 kr. á hverja ECTS-einingu vegna náms á Íslandi. Sambærilegt viðbótarlán vegna húsnæðiskostnaðar í öðru landi er tilgreint í fylgiskjali II.

#### 4.2.2 Sambúðarfólk sem býr í leiguhúsnæði eða eigin húsnæði.

Námsmaður í hjónabandi eða skráðri sambúð sem býr í leiguhúsnæði eða eigin húsnæði á rétt á viðbótarláni vegna húsnæðiskostnaðar að fjárhæð 7.155 kr. á hverja ECTS-einingu vegna náms á Íslandi. Sambærilegt viðbótarlán vegna húsnæðiskostnaðar í öðru landi er tilgreint í fylgiskjali II.

#### 4.2.3 Foreldrar sem búa í leiguhúsnæði eða eigin húsnæði.

##### a. Námsmaður í sambúð sem býr í leiguhúsnæði eða eigin húsnæði.

Námsmaður í hjónabandi eða skráðri sambúð sem er með **eitt barn** á framfæri og býr í leiguhúsnæði eða eigin húsnæði á rétt á viðbótarláni vegna húsnæðiskostnaðar að fjárhæð 8.370 kr. á hverja ECTS-einingu vegna náms á Íslandi. Sambærilegt viðbótarlán vegna húsnæðiskostnaðar í öðru landi er tilgreint í fylgiskjali II.

Námsmaður í hjónabandi eða skráðri sambúð sem er með **tvö börn eða fleiri** á framfæri og býr í leiguhúsnæði eða eigin húsnæði á rétt á viðbótarláni vegna húsnæðiskostnaðar að fjárhæð 9.045 kr. á hverja ECTS-einingu vegna náms á Íslandi. Sambærilegt viðbótarlán vegna húsnæðiskostnaðar í öðru landi er tilgreint í fylgiskjali II.

##### b. Einstætt foreldri sem býr í leiguhúsnæði eða eigin húsnæði.

Einstætt foreldri með **eitt barn** á framfæri, sem býr í leiguhúsnæði eða eigin húsnæði á rétt á viðbótarláni vegna húsnæðiskostnaðar að fjárhæð 16.740 kr. á hverja ECTS-einingu vegna náms á Íslandi. Sambærilegt viðbótarlán vegna húsnæðiskostnaðar í öðru landi er tilgreint í fylgiskjali II.

Einstætt foreldri með **tvö börn eða fleiri** á framfæri, sem býr í leiguhúsnæði eða eigin húsnæði á rétt á viðbótarláni vegna húsnæðiskostnaðar að fjárhæð 18.090 kr. á hverja ECTS-einingu vegna náms á Íslandi. Sambærilegt viðbótarlán vegna húsnæðiskostnaðar í öðru landi er tilgreint í fylgiskjali II.

Til þess að fá viðbótarlán vegna húsnæðiskostnaðar skv. a) og b) lið í þessari grein þarf námsmaður að uppfylla það skilyrði að fara með forsjá barns (alfarið eða sameiginlega).

#### 4.2.4 Námsmenn sem búa hjá efnalitlum foreldrum/foreldri.

Heimilt er að veita námsmanni sem býr í foreldrahúsum, viðbótarlán vegna húsnæðis eins og hann væri í leiguhúsnæði eða eigin húsnæði, ef tekjur foreldra eða foreldris og sambúðaraðila foreldris, ef því er að skipta, eru undir viðmiðunarmörkum. Viðmiðunarmörk í þessu sambandi svara til 3.330.000 kr. hjá einstæðu foreldri eða 6.660.000 kr. hjá hjónum eða sambúðarfólki, sbr. grein 4.2.2.

#### 4.3 Viðbótarlán vegna barna.

Námsmaður getur átt rétt á viðbótarláni vegna frambærslu barna undir 18 ára aldri. Fjárhæð viðbótarlans fyrir hvert barn á framfæri námsmanns er 4.050 kr. fyrir hverja lokna ECTS-einingu.

Námsmaður á rétt á viðbótarláni vegna meðlags, sem hann greiðir svo sannanlegt sé vegna barna undir 18 ára aldri. Fjárhæð viðbótarlans vegna meðlags er 4.050 kr. fyrir hverja lokna ECTS-einingu fyrir hvert barn sem námsmaður sannanlega greiðir meðlag með.

Námsmaður fær **ekki** viðbótarlán með barni/börnum nema hann fari með forsjá barns eða hann greiði meðlag með barni. **Ekki** er heimilt að greiða bæði viðbótarlán vegna frambærslu og viðbótarlán vegna meðlags til sama námsmanns vegna sama barns.

#### 4.4 Lán vegna maka.

Eftirfarandi aðstæður geta leitt til þess að framfærsla námsmanns í hjónabandi/skráðri sambúð hækkar vegna maka:

- Veikindi eða örorka maka skv. læknisvottorði sem sýnir fram á að maki sé óvinnufær með öllu.
- Námsmaður og maki hafa langveikt eða fatlað barn á framfæri sínu og maki starfar **ekki** utan heimilis vegna umönnunar barnsins. Skilyrði er að barnið hafi lögheimili hjá námsmanni og maka og að læknisvottorði sé framvísað.
- Námsmaður og maki eru búsett erlendis og hafa barn á framfæri sínu og maki á **ekki** rétt á atvinnuleyfi í námslandinu. Þeir námsmenn sem fengu makalán skólaárið 2009-2010 og stunda áfram nám í sama námsferli á skólaárinu eiga áfram rétt á að sækja um makalán.

Ef veitt er lán vegna maka, bætist við 50% af grunnframfærslu námsmanns, viðbótarframfærslu vegna búsetu og viðbótarframfærslu barna. Tekjur maka koma til frádráttar á láninu, sbr. gr. 3.3.1 og 3.3.2.

**Ekki** er veitt makalán ef maki er sjálfur lánþegi á sömu önn.

Sjóðurinn áskilur sér heimild til þess að óska eftir því að trúnaðarlæknir sjóðsins á hverjum tíma afli upplýsinga hjá viðkomandi lækni um innsent læknisvottorð og gefi umsögn um efni þess. Verði slíkar upplýsingar **ekki** veittar getur sjóðurinn litið svo á að fullnægjandi umsókn hafi **ekki** verið skilað.

#### 4.5 Lán vegna skólagjalda.

Lán vegna skólagjalda að frádregnum óskattskyldum skólagjaldastyrk eru veitt til grunnnáms (til grunnnáms telst sérnám, grunnháskólanám og einkanám í tónlist), meistaranáms og doktorsnáms, sbr. gr. 2.3. Samanlögð heildarupphæð sem hægt er að fá til skólagjaldalána í öllum námsferlum er 3.500.000 kr. vegna náms á Íslandi. Samanlögð heildarupphæð skólagjaldalána vegna náms erlendis er tilgreind í fylgiskjali III eftir námslöndum eða, eftir atvikum, námsborgum.

Ef nám er skipulagt líkt og læknisfræðinám, þ.e. samfellt nám lengra en 5 ár, er heimilt að bæta við framangreint skólagjaldahámark á 6. ári náms, allt að 1.500.000 kr. eða ígildi þess í erlendri mynt miðað við gengi 1. júní 2015.

Fyrir þá sem stunda grunnnám gildir að aldrei er veitt hærra skólagjaldalán á hverju námsári en sem nemur 1/3 af heildarupphæð til skólagjaldalána í námslandinu. Árlegt hámarkslán til skólagjalda í grunnnámi á Íslandi er því 1.166.667 kr. og í grunnnámi erlendis sama hlutfall (1/3) af heildarupphæð til skólagjaldalána eins og tilgreint er í fylgiskjali III.

Ef lánþegi skiptir um námsland, er reiknað út hversu hátt hlutfall hann hafði áður nýtt sér af skólagjaldahámarki fyrra námslands og það hlutfall notað áfram í næsta námslandi þegar svigrúm fyrir frekara skólagjaldaláni er fundið.

Einungis er veitt lán vegna árlegra skólagjalda umfram 75.000 kr. sem námsmaður greiðir svo sannanlegt sé. Eftirfarandi kostnaður er **ekki** innifalinn í skólagjöldum; námsferðir eða aðrar ferðir, gisting, fæði, tölvu- eða annar tækjabúnaður, efnis- eða bókakostnaður eða annar sambærilegur kostnaður. Sjóðurinn áskilur sér rétt til að óska eftir sundurliðun skólagjalda og þar sem við á draga frá skólagjaldaláninu allan framangreindan kostnað áður en skólagjaldalán er afgreitt.

Einungis er heimilt að veita skólagjaldalán fyrir námi í einum námsferli á hverju misseri/önn námsársins. Ennfremur er almennt **ekki** heimilt að veita skólagjaldalán vegna námskeiða sem tekin eru utan námsbrautar í námi sem LÍN hefur **ekki** viðurkennt sem lánshæft.

Námsmaður verður að skila lánshæfum námsárangri, sbr. gr. 2.2, til að eiga rétt á skólagjaldaláni á námstímanum. Skólagjaldalán eru veitt fyrir hvert misseri námsársins að loknum 22 ECTS-einingum, í tvö misseri að loknum 44 ECTS-einingum og á sumarmisseri að loknum 60 ECTS-einingum. Ef námsári er skipt í fjögur tímabil eru veitt skólagjaldalán fyrir einn fjórðung að loknum 15 ECTS-einingum, fyrir tvo fjórðunga að loknum 30 ECTS-einingum, fyrir þrjá fjórðunga að loknum 45 ECTS-einingum og fyrir nám á sumarfjórðungi að loknum 60 ECTS-einingum.

Heimilt er að greiða út lán vegna skólagjalda fyrir eitt misseri við upphaf námstímabils til annarra námsmanna en fyrsta árs nema, fyrir annað misseri að loknum 22 ECTS-einingum og fyrir þriðja misseri að loknum 44 ECTS-einingum. Ef námsári er skipt í fjögur tímabil er fyrirframgreiðsla heimil með sama hætti vegna annars fjórðungs að loknum 15 ECTS-einingum, vegna þriðja fjórðungs að loknum 30 ECTS-einingum og vegna sumarannar að loknum 45 ECTS-einingum. Aldrei er

greitt út hærra skólagjaldahlutfall fyrirfram við upphaf misseris/annar en sem nemur fullu námi (30 ECTS-einingar) á því misseri/önn, en heimilt að endurskoða það þegar námsframvinda liggur fyrir og uppgjör láns á því misseri/önn stendur yfir.

Vakin er athygli á því að tekjur námsmanns geta haft áhrif á upphæð skólagjaldalána, sbr. gr. 3.4.

#### 4.6 Lán vegna röskunar á stöðu og högum námsmanns.

Heimilt er að veita námsmanni aukalán sem samsvarar framfærslu fyrir allt að 7 ECTS-einingum að teknu tilliti til fjölskyldustærðar verði ófyrirsjáanleg röskun á stöðu og högum námsmanns og reglur þessar ná **ekki** til hennar að öðru leyti. Á þetta t.d. við þegar námsmanni verður, vegna alvarlegra veikinda, örorku sinnar, framfærslu barna sinna eða maka eða af öðrum ástæðum illmögulegt að stunda nám sitt að fullnýttri lánsheimild. Hafa skal hliðsjón af þeim bótum sem námsmaður fær samkvæmt gildandi tryggingalöggjöf.

Heimilt er skv. þessari grein að veita námsmanni sérstakt lán vegna aukaferðar ef hann þarf skyndilega að fara heim vegna alvarlegra veikinda eða andláts nánustu aðstandenda. Nauðsynlegt er að leggja fram nákvæmar upplýsingar um ástæður ferðar ásamt viðeigandi læknisvottorði eða dánarvottorði. Til nánustu aðstandenda skulu t.a.m. teljast maki, börn og foreldrar námsmanns, systkini námsmanns og börn þeirra. Ef slíkt aukalán er veitt greiðist það út með framfærsluláni sbr. gr. 5.2.1.

#### 4.7 Lán vegna sjúkratrygginga.

Námsmenn sem greiða háar sjúkratryggingar geta sótt um lán til að mæta þeim kostnaði. Við mat á hæfilegum kostnaði vegna sjúkratrygginga er höfð hliðsjón af upplýsingum frá íslensku tryggingafélögunum. Ef veitt er lán vegna sjúkratrygginga er það einungis fyrir þeim hluta sem er umfram 5% af grunnframfærslu að teknu tilliti til fjölskyldustærðar og búsetu, en þó að hámarki 350.000 kr. á skólaárinu. Heimilt er að veita aukalán vegna sjúkrakostnaðar erlendis sem námsmaður hefur að hluta til fengið endurgreiddan hjá Tryggingastofnun ríkisins. Við afgreiðslu slíkrar umsóknar skal tekið tillit til þess hvort námsmaður hafi keypt eðlilegar sjúkratryggingar. Heimilt er að veita lán til greiðslu hæfilegs kostnaðar vegna mæðraskoðunar og ungbarnaefirlits erlendis ef ljóst er að hvorki tryggingaraðili námsmannsins né viðkomandi sveitarfélag á Íslandi taki þátt í greiðslu kostnaðar. Einnig er heimilt á námstíma að veita lán til greiðslu ferðakostnaðar ef barnshafandi námsmaður eða maki námsmanns erlendis kýs, vegna óhóflegs kostnaðar erlendis, að fæða barn á Íslandi. Óheimilt er að taka tillit til sjúkrakostnaðar sem Tryggingastofnun ríkisins hefur synjað að greiða.

#### 4.8 Vaxtastyrkur.

Við útborgun lána fyrir framfærslukostnaði skal greiða 290 kr. í vaxtastyrk fyrir hverja ECTS-einingu sem lokið er. Komi í ljós við endurútreikning námsláns að loknu námsári að námsmanni hafi verið úthlutað of háum vaxtastyrk, er það leiðrétt með þeim hætti að ofgreiddur styrkur er færður sem lán á námsárinu.

#### 4.9 Lán vegna ferðakostnaðar.

##### 4.9.1 Ferðakostnaður námsmanns, maka og barna.

Lán vegna ferðakostnaðar miðast við ákveðna upphæð, sem er mismunandi eftir námslandi og námssvæði. Ef maki sækir einnig um lán á námsárinu á námsmaður **ekki** rétt á viðbótarláni vegna ferða maka og lán vegna ferða barna miðast þá við helming þeirra upphæða sem tilgreindar eru í gr. 4.9.2 og gr. 4.9.3.

##### 4.9.2 Lán vegna ferða til námsstaðar erlendis.

Ferðalán vegna náms erlendis ákvarðast þannig þegar sótt er um námslán á skólaárinu: Vegna hvers einstaklings er ferðalán til námsmanna og maka í Danmörku, Noregi og Svíþjóð 45.000 kr. á einstakling, en 50.000 kr. á einstakling vegna námsmanna og maka annars staðar í Evrópu, 65.000 kr. í Norður-Ameríku og 105.000 kr. á einstakling vegna námsmanns og maka annars staðar. Lán vegna ferða barna miðast við 10% af ofangreindum fjárhæðum ef barn er yngra en tveggja ára, 75% vegna barna á aldrinum tveggja til ellefu ára og 100% vegna barna sem eru tólf ára og eldri. Ekki er skilyrði að menn framvísi gögnum vegna ferðar. Nordplus- og Erasmus-styrkþegar eiga **ekki** rétt á ferðaláni frá LÍN.

Ofangreindar fjárhæðir eru umreiknaðar í mynt námslands miðað við gengi 1. júní 2015.

Einungis er veitt lán vegna ferðakostnaðar einu sinni á hverju námsstigi.

#### 4.9.3 Lán vegna ferða til námsstaðar á Íslandi.

Ferðalán vegna náms á Íslandi ákvarðast þannig þegar sótt er um námslán á skólaárinu: Vegna einstaklings og maka 20.000 kr., en lán vegna ferða barna miðast við 10% af ofangreindri upphæð ef barn er yngra en tveggja ára, 50% vegna barna á aldrinum tveggja ára til ellefu ára og 100% vegna barna sem eru tólf ára og eldri. Skilyrði þess að námsmenn á Íslandi eigi kost á ferðaláni er að þeir eigi lögheimili a.m.k. 100 km frá höfuðborgarsvæðinu eða öðru skólasvæði. **Ekki** er skilyrði að menn framvísi gögnum vegna ferðar.

Einungis er veitt lán vegna ferðakostnaðar einu sinni á hverju námsstigi, sbr. gr. 2.3.

#### 4.9.4 Greiðslutími ferðalána.

Ferðalán greiðist út með framfærsluláni til þeirra sem hafa uppfyllt skilyrði sjóðsins um lágmarksnámsframvindu, sbr. gr. 2.2.

### V. KAFLI

#### Umsóknir og útborgun lána.

##### 5.1 Umsóknir um námslán.

###### 5.1.1 Umsóknareyðublöð.

Sótt er um námslán á sérstökum rafrænum eyðublöðum sem hægt er að nálgast á vefnum ([www.lin.is](http://www.lin.is)). Umsóknareyðublöðin fást einnig á skrifstofu sjóðsins.

###### 5.1.2 Umsóknir og gildistími.

Sækja skal sérstaklega um námslán fyrir hvert aðstoðarar. Umsóknarfrestir eru eftirfarandi:

Haut 2015: Til og með 30. nóvember 2015.

Vor 2016: Til og með 30. apríl 2016.

Sumar 2016: Til og með 30. júní 2016.

###### 5.1.3 Fylgiskjöl og skilafrestur.

Fylgiskjöl sem námsmanni ber að skila vegna umsókna eiga að berast sjóðnum eigi síðar en tveimur mánuðum eftir að umsóknarfrestur rennur út. Að öðrum kosti er heimilt að líta svo á að námsmaður sé fallinn frá umsókn. Hið sama gildir um prófvottorð; þeim skal skilað eigi síðar en tveimur mánuðum eftir að próftímabili lýkur.

###### 5.1.4 Lánsáætlun.

Á grundvelli upplýsinga námsmanns, m.a. um tekjur og fjölskylduhagi, fær hann útfyllta lánsáætlun frá sjóðnum. Eftir yfirferð lánsáætlunar ber námsmanni að láta sjóðinn vita ef þær upplýsingar sem lagðar eru til grundvallar reynast rangar.

Komi í ljós að lánsáætlun byggji á röngum upplýsingum, mistökum eða á röngum forsendum miðað við gildandi úthlutunarreglur þess námsárs sem sótt er um lán fyrir þá breytist lánsáætlunin til samræmis við þær reglur.

###### 5.1.5 Umboðsmaður.

Námsmaður erlendis skal hafa umboðsmann á Íslandi sem m.a. hefur umboð til undirritunar skuldabréfs fyrir hans hönd.

Samskipti við umboðsmann jafngilda samskiptum við námsmann hvort sem það er í formi tölvu-pósts, samtala eða bréfasendinga. Umboðsmaður ber því ábyrgð á að upplýsa þann námsmann sem hann hefur umboð fyrir um allar beiðnir, um skjöl og/eða vottorð og aðrar tilkynningar frá sjóðnum. Einnig skal hann upplýsa námsmanninn um önnur samskipti við sjóðinn sem skipt geta máli varðandi framgang umsóknarinnar eða veitingu námslána.

###### 5.1.6 Skilyrði sem lánþegar þurfa að uppfylla.

Skilyrði sem lánþegar þurfa m.a. að uppfylla, til þess að teljast lánshæfir sem lántakendur hjá sjóðnum er að þeir séu **ekki** á vanskilaskrá né í vanskilum við sjóðinn þegar sótt er um nýtt lán, bú þeirra sé **ekki** í gjaldprotameðferð og hafi **ekki** áður verið tekið til gjaldprotaskipta, svo og að sjóðurinn hafi **ekki** áður þurft að afskrifa lán gagnvart viðkomandi.

Teljast námsmaður **ekki** lánsþæfur skv. framangreindu getur hann sótt um undanþágu frá þessari grein enda leggi hann fram tryggingar sem sjóðurinn telur viðunandi, s.s. veð eða sjálfskuldarábyrgð þriðja aðila.

## 5.2 Útborgun námslána.

### 5.2.1 Útborgun námslána.

Útreikningur á námsláni og útgáfa lánsáætlana vegna skólaársins hefst í byrjun ágúst 2015. Þá verða skólagjaldalán, sbr. gr. 4.5, vegna haustannar afgreidd fyrirfram til þeirra sem áður hafa lokið lánsþæfum námsárangri og óskuðu eftir slíkri fyrirframgreiðslu í lánsúmsókn sinni.

Útborgun framfærslu- og ferðalána vegna haustannar og fyrirframgreiðsla skólagjalda vorannar hefst í byrjun janúar 2016 til þeirra sem uppfylla skilyrði sjóðsins um lágmarksnámsframvindu á önninni, sbr. gr. 2.2. Með sömu framangreindum skilyrðum hefst útborgun framfærslulána vegna vorannar og fyrirframgreiðsla skólagjalda sumarannar í byrjun maí 2016. Útborgun framfærslulána vegna sumarannar hefst í byrjun ágúst 2016 til þeirra sem uppfylla framangreind skilyrði.

Skilyrði er að námsmaður hafi lagt fram gögn um námsárangur sinn, tekjuáætlun eða skattframtal og aðrar þær upplýsingar sem máli skipta. Lán greiðast inn á reikning í viðskiptabanka eða sparisjóði á Íslandi sem skal vera á nafni námsmanns.

Heimilt er að greiða út lán á öðrum tímum enda liggi fyrir að námsmaður hafi uppfyllt kröfur sjóðsins um afköst og árangur í námi. Lánveitingum vegna námsársins 2015-2016 skal þó lokið fyrir 15. janúar 2017. Eftir þann tíma er hvorki hægt að afgreiða lán né gera athugasemdir við afgreiðslu láns á námsárinu.

Skilyrði þess að námsmaður fái lán vegna skólagjalda sbr. gr. 4.5 greitt út fyrirfram er að hann hafi áður lokið lánsþæfum námsárangri. Aldrei er greitt út herra skólagjaldahlutfall fyrirfram við upphaf misseris/annar en sem nemur fullu námi (30 ECTS-einingar) á því misseri/önn. Heimilt er að endurskoða það þegar námsframvinda liggur fyrir og uppgjör láns á því misseri/önn stendur yfir.

Skili námsmaður **ekki** tilskildum lágmarksárangri eftir viðkomandi skólaár eru fyrirframgreidd lán vegna skólagjalda endurkræf skv. reglum um ofgreidd lán.

### 5.2.2 Útreikningur lána erlendis.

Námslán eru að jafnaði reiknuð út í mynt viðkomandi námslands. Tekjum og styrkjum er breytt í útreikningsmynt námslands miðað við gengi 1. júní 2015. Þegar lán eða hlutar þess koma til útborgunar er upphæðinni sem greiða á út breytt í íslenskar krónur miðað við daggengi við útborgun.

### 5.2.3 Staðfesting á tekjum.

Námsmenn skulu skila staðfestingu eða breytingu á fyrri áætlun vegna tekna á árinu 2015 áður en lán er greitt út. Ef verulegur munur reynist vera á þeirri áætlun og tekjum námsmanns og maka er heimilt að gjaldfella lánið.

### 5.2.4 Skuldabréf og bankareikningur.

Útborgun lána er háð því skilyrði að lánþegi hafi gefið út skuldabréf í eigin nafni til tryggingar láninu. Lánið greiðist inn á reikning viðkomandi lánþega sem skal vera á hans eigin nafni í banka eða sparisjóði.

## 5.3 Um ábyrgðir á námslánum og réttindi og skyldur ábyrgðarmanna.

### 5.3.1 Eðli sjálfskuldarábyrgðar.

Um þær ábyrgðir sem veittar hafa verið eftir gildistöku laga nr. 32/2009 um ábyrgðarmenn gilda þau lög, auk þess sem hér kemur fram.

Þeir sem gerast ábyrgðarmenn að námsláni takast á hendur sjálfskuldarábyrgð á námsskuldinni en slík ábyrgð gerir ábyrgðarmanni skylt að greiða skuldina sem ábyrgð er fyrir strax og í ljós kemur að lántakandi hefur ekki staðið við skuldbindingar sínar um að greiða af láninu.

Sjóðurinn getur innheimt ábyrgðina beint hjá ábyrgðarmanni og þarf ekki að gera sérstakar tilraunir til að fá skuldina greidda hjá lántakanda áður. Þó getur sjóðurinn ekki gengið að ábyrgðarmanni fyrr en staðreynt hefur verið að lántakandi hafi ekki greitt af láninu á gjalddaga. Þetta á þó ekki við verði lántakandi úrskurðaður gjaldþrota en þá fellur lánið allt í gjalddaga í samræmi við lög um gjaldþrotaskipti o.fl. nr. 21/1991.

Sjóðurinn getur látið gera aðför (fjárnám) til fullnustu skuldarinnar hjá sjálfskuldarábyrgðarmanni án undangengins dóms eða réttarsáttar.

Sjálfskuldarábyrgð skal ætíð bundin við ákveðna hámarksfjárhæð sem breytist í samræmi við vísitölu neysluverðs en auk þess tekur sjálfskuldarábyrgðin til greiðslu vaxta, dráttarvaxta og alls kostnaðar sem leiða kann af vanskilum skuldarinnar þar með talin réttargjöld og innheimtuþóknun.

Tilnefnd ábyrgðarfjárhæð ábyrgðarmanns miðast við tilgreinda vísitölu og skal að jafnaði **ekki** vera hærri en 7,0 m.kr. Ábyrgðarmanni er þó heimilt að veita ábyrgð umfram framangreinda hámarksábyrgð vegna láns sem námsmanni reiknast á því námsári sem uppreiknuð ábyrgð hans nær 7,0 m.kr. Lágmarksábyrgð er 100 þús.kr.

### 5.3.2 Skilyrði sem ábyrgðarmenn þurfa að uppfylla.

Ábyrgðarmaður staðfestir með undirskrift sinni á skuldabréf eða ábyrgðaryfirlýsingu að hann hafi kynnt sér ákvæði skuldabréfsins og niðurstöðu greiðslumats.

Ábyrgðarmenn verða að vera orðnir 18 ára og fjárráða, en enginn hámarksaldur gildir um þá. Ábyrgð lögpersónu í stað einstaklings er háð samþykki stjórnar sjóðsins og að um sé að ræða opinbera stofnun eða fjármálastofnun sem Fjármálaeftirlitið hefur eftirlit með. Í þeim tilvikum skal lágmarksábyrgðartími vera 10 ár eftir fyrsta gjalddaga eða 15 ár eftir að ábyrgð er veitt. Sjóðnum skal þá heimilt, með samþykki lánþega, að innheimta gjald fyrir ábyrgðaraðilann við útborgun lánsins. Að öðru leyti gilda um ábyrgð lögpersónu sömu reglur og almennt gilda um sjálfskuldarábyrgð einstaklinga.

Einn ábyrgðarmaður skal að lágmarki takast á hendur sjálfskuldarábyrgð fyrir lántakanda. Ábyrgðarmenn skulu að jafnaði vera íslenskir ríkisborgarar með lögheimili á Íslandi. Óheimilt er að samþykkja ábyrgðarmenn fyrir námsláni sem eru á vanskilaskrá, í vanskilum við sjóðinn eða bú þeirra sé í, eða hafi verið tekið til gjaldþrotameðferðar.

Breytist staða ábyrgðarmanns þannig að hann telst **ekki** lengur uppfylla ofangreind skilyrði þá skal lántakandi útvega nýjan ábyrgðarmann fyrir námsláni sínu áður en hann fær frekari lán afgreidd hjá sjóðnum. Þá ábyrgist hinn nýi ábyrgðarmaður allt það lán sem lántakandi kann að fá til viðbótar. Eldri ábyrgð fellur **ekki** úr gildi nema að henni sé sagt upp og ný sett í staðinn með samþykki sjóðsins.

### 5.3.3 Réttarstaða ábyrgðarmanna og endurkröfur.

Séu ábyrgðarmenn fleiri en einn bera þeir óskipta sameiginlega (solidaríska) ábyrgð gagnvart sjóðnum.

Þegar ábyrgðarhluti ábyrgðarmanna er skiptur, t.d. í þeim tilvikum sem lán hafa verið sameinuð við endurgreiðslu, getur ábyrgðarmaður greitt upp sinn ábyrgðarhluta ásamt vöxtum og kostnaði verði vanskil á námskuld.

Ábyrgðarmaður getur neytt þeirra réttinda sem lántakandi á skv. skuldabréfinu og haldið láninu í skilum. Í því sambandi getur hann óskað eftir því við sjóðinn að greiðslunni skuli ráðstafað til lækkunar á þeim hluta heildarskuldarinnar sem hann ábyrgðist.

Ákvæði skuldabréfs um undanþágur frá endurgreiðslu gilda ekki gagnvart ábyrgðarmanni sem ábyrgð hefur fallið á og tekið hefur að sér endurgreiðslu lánsins.

Látist ábyrgðarmaður getur lántakandi útvegað nýjan ábyrgðarmann sem uppfyllir ofangreind skilyrði en að öðrum kosti taka erfingjar hins látna við ábyrgðinni eftir almennum reglum ef erfingjar hafa á annað borð tekið á sig ábyrgð á skuldum dánarbúsins.

Ábyrgðarmaður getur sagt upp ábyrgðinni. Það skal gert skriflega með bréfi til sjóðsins. Áhrif þess eru eingöngu þau að ekki aukast skyldur hans umfram það sem þá þegar er um samið. Ábyrgðarmaðurinn ber engu að síður áfram ábyrgð á þeim lánum sem þegar hafa verið veitt. Uppsögnin tekur gildi um leið og sjóðurinn hefur tilkynnt lántakanda um uppsögnina.

### 5.3.4 Veðtrygging.

Óski námsmaður eftir að setja fasteign að veði til tryggingar námsláni þarf hann að leggja fram eftirfarandi gögn: Veðbókarvottorð, afrit síðustu greiðsluseðla vegna áhvílandi lána, fasteigna- og brunabótamat.

Við veðtryggingu námslána er miðað við að áhvílandi lán, að viðbættu láni frá sjóðnum, fari ekki yfir 65% af fasteignamati íbúðarhúsnæðis og sé innan við 65% af brunabótamati. Jafnframt er heimilt að fara fram á sölumat löggilts fasteignasala og skal þá miðað við að lán frá sjóðnum fari ekki yfir 60% af sölumati.

#### **5.4 Greiðsla félagsgjalda.**

Óski námsmaður þess annast sjóðurinn innheimtu gjalds vegna félagsaðildar að Sambandi íslenskra námsmanna erlendis (SÍNE). Sjóðurinn dregur félagsgjaldið af námsláninu.

#### **5.5 Breytingar á aðstoð.**

##### **5.5.1 Tilkynningaskylda námsmanns.**

Umsækjanda ber að tilkynna allar breytingar á högum sínum er haft geta áhrif á veitingu námsaðstoðar, svo sem breyttar fjölskylduáæstæður, breytingar á fjárhag, heimilisfangi og námsáætlun, eða veikindi er valdið geta töfum í námi. M.a. ber að tilkynna sjóðnum þegar námsmaður stofnar til hjúskapar eða skráðrar sambúðar. Námsmanni ber auk þess að senda sjóðnum öll þau gögn sem hann kann að verða beðinn um vegna umsóknar hans um námslán eða frest á lokun skuldabréfs.

##### **5.5.2 Leiðrétting á útreikningi.**

Ef í ljós kemur að sjóðurinn hefur veitt námsaðstoð eða reiknað út upphæð láns á röngum forsendum er það leiðrétt, skv. nánari ákvæðum í þessum kafla. Er þá tekið tillit til þess hvort námsmaður hefur vísitandi gefið villandi eða rangar upplýsingar, hvort um vanrækslu hefur verið að ræða af hans hálfu ellegar mistök frá hendi sjóðsins. Að jafnaði er mögulegt að semja um fyrirkomulag endurgreiðslna.

##### **5.6 Vísitandi villandi upplýsingar.**

Ef námsmaður hefur vísitandi veitt sjóðnum rangar eða villandi upplýsingar fellur öll námsaðstoð við hann niður og aðstoð sem hann kann að hafa fengið vegna slíkra upplýsinga verður þegar í stað endurkræf með áfallinni verðtryggingu og kostnaði sem af hlýst. Þetta á m.a. við ef sannað þykir að námsmaður hafi gefið upp rangar tekjur skv. skilgreiningu sjóðsins um tekjur, þegar viðkomandi skattári er lokið.

Háttsemi sem brýtur í bága við lög, s.s. skjalafals, getur haft refsíábyrgð í för með sér.

#### **5.7 Ofgreidd lán.**

##### **5.7.1 Ofgreidd lán.**

Ef námsmaður fær lán án þess að hafa uppfyllt skilyrði sjóðsins eða fær greitt hærra lán en hann á rétt á, t.d. vegna vanáætlaðra tekna, ófullnægjandi námsárangurs eða annarra ástæðna, ber honum að endurgreiða lánið sérstaklega með verðbótum. Námsmaður hefur val um að staðgreiða ofgreiðslulánið eða samþykkja sérstakt endurgreiðslubríf með einum ábyrgðarmanni og skal lánstími að meginreglu til ekki vera lengri en 15 mánuðir. Ef um er að ræða ofgreitt lán vegna skólagjalda sem sannanlega hafa verið greidd og ekki fást endurgreidd frá skólanum má fresta innheimtu ofgreidda lánsins fram á upphaf næstu annar. Ef námsmaður skilar ekki staðfestingu á innritunartvörförði í sama skóla fyrir umrædda önn er útbúið skuldabréf og skal lánstími að meginreglu til ekki vera lengri en 15 mánuðir.

Frekari námsaðstoð er stöðvuð þar til námsmaður hefur gert upp hið ofgreidda lán. Ofgreidd lán námsmanna erlendis eru umreiknuð yfir í íslenskar krónur miðað við útborgunargengi lánsins.

##### **5.7.2 Skuldabréf.**

Skuldabréf vegna ofgreiddra lána skulu að jafnaði bera vexti í samræmi við ákvörðun Seðlabanka Íslands um almenna vexti af óverðtryggðum lánnum og leggjast vextirnir á þá fjárhæð sem námsmanni ber að endurgreiða frá útborgunardegi hins ofgreidda láns.

##### **5.7.3 Vextir.**

Fyrsti vaxtadagur er skilgreindur í skuldabréfi.

##### **5.7.4 Innheimta.**

Ofgreitt lán kemur til innheimtu eftir að námsárangur og önnur gögn eiga að hafa borist sjóðnum. Geri námsmaður ekki upp ofgreitt lán innan tilskilins frests er skuldabréfinu lokað, sbr. gr. 7.1, og innheimta skal hið ofgreidda lán sem aukaafborgun af námsláni hans.

#### **5.8 Eftirlit með tekjum vegna síðasta láns.**

##### **5.8.1 Námsmenn á Íslandi.**

Sjóðurinn fær upplýsingar frá ríkisskattstjóra um tekjur skv. skattframtali þess tekjuárs sem lagt var til grundvallar síðustu lánveitingu.



**5.8.2 Námsmenn á Norðurlöndum.**

Námsmenn annars staðar á Norðurlöndum þurfa að skila vottorði um tekjur sl. árs. Í Danmörku „årsopgörelse“, í Noregi „skatteopgjør“ og í Svíþjóð „kontrollupgift/slutlig skatt“.

**5.8.3 Námsmenn í öðrum löndum.**

Sjóðurinn getur krafist skattavottorðs frá námsmönnum í öðrum löndum.

**5.9 Mistök sjóðsins.**

Verði mistök við veitingu námsláns ber að leiðrétta þau strax og upp kemst. Námsmönnum er eindregið bent á að kynna sér vandlega þau ákvæði í þessum úthlutunarreglum sem eiga við hverju sinni og stuðla að því að slík mistök leiðréttist sem fyrst. Námsmanni skal tilkynnt um slík mistök og síðan ákveðið í hverju einstöku tilviki hvernig endurgreiðslu skuli hagað.

**VI. KAFLI  
Samnorrænar reglur.**

Umsækjandi við nám á Norðurlöndum utan heimalandsins getur að uppfylltum sérstökum skilyrðum fengið námslán frá námslandinu. Skilyrði fyrir námsaðstoð frá LÍN eru þau sem talin eru í reglum þessum auk þess sem umsækjandi eigi ekki rétt á námsaðstoð (lán eða styrk) frá öðrum norrænum lánasjóðum, sbr. eftirfarandi:

Nánari upplýsingar fást hjá lánasjóðum í hverju landi.

**DANMÖRK**

Styrelsen for Videregående Uddannelser og Uddannelsesstøtte (SU)

Bredgade 43

DK-1260 København K

Sími: 00-45-72317900

Bréfasími: 00-45-72317801

Veffang: <http://www.su.dk/>

**NOREGUR**

Statens lånekasse for utdanning(SLK)

P. boks 195, Østre Aker vei 20

N-0510 Oslo 5

Sími: 00-47-22726700

Bréfasími: 00-47-22642636

Veffang: <http://www.lanekassen.no/>

**FINNLAND**

Folkpensionsanstaltens Studiestødscentral

P.O. Box 228

SF-40 101 Jyväskylä 10

Sími: 00-358-20-4346770

Bréfasími: 00-358-20-4346710

Veffang: <http://www.kela.fi/>

**SVÍÞJÓÐ**

Centrala studiestödsnämnden (CSN)

Norra Tjörngatan 2-6

S-851 82 Sundsvall

Sími: 00-46-60-186290

Bréfasími: 00-46-60-186006

Veffang: <http://www.csn.se/>

## VII. KAFLI Lokun skuldabréfs.

### 7.1 Gengið frá skuldabréfi.

Skuldabréfi er lokað þegar námsmaður hættir að þiggja lán og er almennt miðað við lok síðasta aðstoðartímabils. Á það jafnt við um námsmenn sem ljúka námi og námsmenn sem hverfa frá námi án þess að ljúka því. Telst sá tímunktur námslok í skilningi laga nr. 21/1992 um Lánasjóð íslenskra námsmanna og reglugerðar nr. 478/2011 um Lánasjóð íslenskra námsmanna.

Þegar frágangur hefst á lokun skuldabréfs skulu lántakanda og ef við á ábyrgðarmanni sendar upplýsingar um upphæð skuldabréfsins sem til stendur að loka. Ábyrgðarmaður er jafnframt upplýstur um þá fjárhæð sem hann telst ábyrgur fyrir.

Þegar skuldabréfi hefur verið lokað, skulu lántakanda sendar sundurliðaðar upplýsingar um veitt lán sem tilheyrir skuldabréfinu, dagsetningu lokunar og hvenær vextir fara að reiknast af skuldabréfinu. Veittur er 14 daga frestur til að gera athugasemdir. Að þeim tíma liðnum er heimilt að fylla skuldabréfið út. Upplýsingar sendar í tölvupósti á netfang sem námsmaður hefur látið sjóðnum í té teljast sendar á fullnægjandi hátt.

Endurgreiðsla hefst tveimur árum eftir lokun skuldabréfs. Ljúki námsmaður námi á haust- eða vormisseri, miðast námslokin við 29. júní og fyrsti afborgunardagur er 30. júní tveimur árum síðar. Ef námslok eru á sumarönn sem nær fram yfir 1. júlí, miðast námslokin við 31. ágúst og fyrsti afborgunardagur er 1. mars tveimur og hálfu ári síðar. Ef námsmaður er byrjaður að greiða af eldri námslánum og hefur nám að nýju er **ekki** veitt aftur hlé frá endurgreiðslum fyrri lána.

### 7.2 Frestun á lokun skuldabréfs.

Tilkynni námsmaður að hann hafi tekið sér námshlé sem er **ekki** lengra en eitt ár, er heimilt að fresta frágangi á skuldabréfi ljúki námsmaður lánshæfum námsárangri á fyrstu önn eftir námshlé. Námsmaður skal sækja sérstaklega um frestunina og eigi síðar en 30. nóvember 2015. Skilyrði þess að námsmaður geti frestað frágangi skuldabréfs er að hann ljúki lánshæfum námsárangri á því tímabili sem frestun tekur til. Heimilt er að fresta lokun skuldabréfs að hámarki í fjögur ár frá því að fyrsta aðstoð hjá sjóðnum var veitt, stundi námsmaður áfram lánshæft nám án þess að taka námslán. Umsókn um nýtt námslán á fyrstu önn eftir árshlé frá námi er ígildi umsóknar um frest á lokun skuldabréfs.

Sæki námsmaður um frestun á lokun skuldabréfs vegna lánshæfs náms sem hann stundaði á námsárinu 2014-2015, skulu umbeðin gögn vegna þeirrar umsóknar berast sjóðnum eigi síðar en 15. desember 2015. Sæki námsmaður aftur á móti um frestun á lokun skuldabréfs vegna lánshæfs náms á haustönn 2015, skulu umbeðin gögn vegna umsóknarinnar berast sjóðnum eigi síðar en 15. mars 2016.

Frestun á útborgun námsláns, t.d. vegna síðbúinna skila á upplýsingum hefur **ekki** í för með sér frestun á lokun skuldabréfs.

Ef námsmaður gerir hlé á námi sínu lengur en eitt námsár er **ekki** heimilt að fresta lokun skuldabréfs og miðast lokun skuldabréfsins þá við lok síðasta aðstoðartímabils fyrir námshlé. Þegar námsmaður hefur aftur nám að loknu slíku námshléi skal líta á það sem nýtt nám og verður námsmaður að gefa út nýtt skuldabréf í eigin nafni til tryggingar nýjum lánum, sbr. grein 5.2.4. Námsmaður greiðir jafnframt afborganir af eldra skuldabréfi, sjá þó grein 8.5 um undanþágur frá afborgun.

### 7.3 Vafi um lokun skuldabréfs.

Stjórn sjóðsins ákveður lokun skuldabréfs í vafatilfellum.

## VIII. KAFLI Lánskjör.

### 8.1 Endurgreiðslur námslána.

Endurgreiðslur námslána taka mið af ákvæðum hvers skuldabréfs og þeim lögum sem í gildi voru þegar lánin voru tekin. Að öðru leyti gilda samþykktar úthlutunarreglur hverju sinni.

Fylgiskjöl vegna umsókna eiga að berast sjóðnum eigi síðar en tveimur mánuðum eftir að umsóknarfrestur rennur út. Í þeim tilvikum sem greiðandi hefur fengið endurútreikning frá skattayfirvöldum er heimilt að taka tillit til þess endurútreiknings þótt gögn berist eftir framangreindan

frest, að því gefnu að umsókn um endurútreikning berist fyrir umsóknarfrest hvers umsóknarárs, sbr. gr. 8.4.

Þeim lánþegum sem búa erlendis ber að senda sjóðnum upplýsingar um heimilisfang sitt og/eða hafa umboðsmann hér á landi sem að sér um hans mál. Samskipti við umboðsmann jafngilda samskiptum við lántakanda hvort sem það er í formi tölvupósts, samtala eða bréfasendinga. Umboðsmaður ber því ábyrgð á að upplýsa þann lántakanda sem hann hefur umboð fyrir um allar beiðnir um skjöl og/eða vottorð og aðrar tilkynningar frá sjóðnum. Einnig skal hann upplýsa lántakanda um önnur samskipti við sjóðinn sem skipt geta máli.

## **8.2 Vextir G-lána og verðtrygging.**

### **8.2.1 Lánskjör og vextir.**

Lán skv. lögum nr. 21/1992 eru verðtryggð og bera allt að 3% vexti frá lokun skuldabréfs. Fáí námsmaður greitt út lán eftir lokunardag skuldabréfs, reiknast vextir á þá greiðslu frá deginum eftir útborgun. Verðtryggingin miðast við breytingar á vísitölu neysluverðs. Lánþega ber að greiða 1,2% lántökugjald í hvert sinn sem lán er tekið og kostnað af innheimtu á hverjum gjalddaga.

### **8.2.2 Verðtrygging.**

Lán úr sjóðnum eru verðtryggð með vísitölu neysluverðs og reiknast verðtryggingin frá fyrsta degi næsta mánaðar eftir útborgun. Eftir ákvörðun um lokun skuldabréfs er skuld uppreiknuð og grunnvísitala skuldabréfs miðuð við vísitölu neysluverðs á lokunardegi.

## **8.3 Endurgreiðslutími.**

### **8.3.1 Lán er afborgunarlaust í tvö ár.**

Endurgreiðsla hefst tveimur árum eftir lokun skuldabréfs, sbr. gr. 7.1. Það á þó **ekki** við í þeim tilfellum þegar lánþegi hefur þegar hafið endurgreiðslur námsláns en fengið endurgreiðslum frestað tímabundið vegna þess að hann hefur hafið nám að nýju. Í þeim tilfellum halda afborganir eldri lána strax áfram á næsta almanaksári eftir að nýja náminu lýkur.

### **8.3.2 Uppgreiðsla námslána.**

Lánþega er heimilt að greiða upp námslán fyrir en ákvæði skuldabréfs kveða á um.

Einstaklingur sem greiðir upp ógjaldfallið námslánaskuldabréf á rétt á uppgreiðsluafslætti sem nemur daglánavöxtum Seðlabanka Íslands á greiðsludegi, að viðbættu 1% álagi. Framangreind heimild miðast við að eftirstöðvar lánsins séu greiddar í einni greiðslu. Einstaklingar eiga **ekki** rétt á uppgreiðsluafslætti vegna uppgreiðslu námsláns nema endurgreiðsla námslánaskuldabréfsins sé hafin, sbr. 7. kafla.

Uppgreiðsluafsláttur skal endurgreiddur til þess aðila sem greiddi upp námslánið (getur verið annar en skuldari).

## **8.4 Árleg endurgreiðsla.**

Árleg endurgreiðsla er í tvennu lagi. Annars vegar er föst greiðsla sem innheimtist 1. mars, en þó getur fyrsti gjalddagi verið annar. Hins vegar viðbótargreiðsla sem innheimtist 1. september og er háð tekjum fyrra árs. Föst árgreiðsla reiknast eins og segir í 8. gr. laga nr. 21/1992 um Lánasjóð íslenskra námsmanna og uppreiknast miðað við vísitölu neysluverðs 1. janúar ár hvert. Viðbótargreiðslan miðast við 3,75% af tekjustofni ársins á undan endurgreiðsluári, en með tekjustofni er átt við útsvarstofn lánþega að viðbættum fjármagnstekjum, sbr. c-lið 7. gr. laga nr. 90/2003. Ef lánþegi er í skráðri sambúð er miðað við 50% fjármagnstekna hans og sambúðaraðilans og skiptir ekki máli hvort tekjurnar eru af séreign skv. kaupmála eða hjúskapareign. Sú fjárhæð sem þannig fæst skal margfölduð skv. hlutfallslegri breytingu á vísitölu neysluverðs frá 1. júlí á tekjuöflunarári til 1. júlí á endurgreiðsluári. Samkvæmt framansögðu dregst áður nefnd föst árgreiðsla frá viðbótargreiðslunni.

Sé lánþega áætlaður skattstofn skal miða við hann. Sé lánþegi á endurgreiðslutíma ekki skattskyldur á Íslandi af öllum tekjum sínum og eignum skal honum gefinn kostur á að senda sjóðnum staðfestar upplýsingar um tekjur sínar og skal árleg viðbótargreiðsla ákveðin í samræmi við það. Erlendar tekjur eru umreiknaðar í íslenskar krónur miðað við meðalgengi Seðlabanka Íslands undir- liggjandi tekjuárs fyrir viðkomandi mynt þegar gjalddagi er myndaður. Geri hann það ekki eða telja

verður upplýsingar hans ósennilegar og ekki unnt að sannreyna tekjustofn samkvæmt því skal stjórn sjóðsins áætla honum tekjustofn til útreiknings árlegrar viðbótargreiðslu.

Lánþegi á rétt á endurútreikningi árlegrar viðbótargreiðslu sé hún byggð á áætluðum tekjum. Hann skal þá sækja um endurútreikninginn eigi síðar en 60 dögum eftir gjalddaga afborgunar en umsókn frestar **ekki** gjalddaga. Endurútreikningur fer síðan fram þegar sjóðnum hafa borist bestu fánlegar upplýsingar um tekjur greiðanda. Þegar staðfestar upplýsingar um tekjurnar liggja fyrir skulu þær sendar sjóðnum og endurútreikningurinn endurskoðaður til samræmis hafi tekjustofn verið of hátt áætlaður skal lánþega endurgreidd ofgreidd fjárhæð með almennum vöxtum óverðtryggðra bankalána.

Verði veruleg vanskil á endurgreiðslu námsláns eða hafi lánþegi vantalið tekjur sínar á framtali er heimilt að fella allt lánið í gjalddaga. Hækkun á viðbótargreiðslu vegna endurskattlagningar er gjaldkræf þegar í stað ásamt dráttarvöxtum skv. ákvörðun Seðlabanka Íslands á hverjum tíma frá gjalddaga greiðslunnar.

Ef lánþegi er úrskurðaður gjaldþrota falla allar kröfur á hendur honum í gjalddaga, sbr. lög um gjaldþrotaskipti o.fl. nr. 21/1991.

## **8.5 Undanþágur.**

### **8.5.1 Undanþága vegna verulegra fjárhagsörðugleika.**

Sjódstjórn er heimilt að veita undanþágu frá árlegri endurgreiðslu að hluta eða öllu leyti ef láns hæft nám, atvinnuleysi, óvinnufærni vegna veikinda og/eða örorku, þungunar eða umönnunar barna, umönnunar maka eða aðrar sambærilegar ástæður valda verulegum fjárhagsörðugleikum hjá lánþega. Almennt er miðað við að **ekki** séu veittar undanþágur ef árstekjur lánþega eru yfir 3.330.000 kr. og árstekjur hjóna/sambúðarfólks eru yfir 6.660.000 kr. vegna tekna ársins á undan.

Með láns hæfu námi er átt við að lánþegi sé í láns hæfu námi og að hann sýni fram á lágmarks námsframvindu.

Óvinnufær vegna örorku telst sá sem hefur rétt til örorkulífeyris skv. skilgreiningu Tryggingastofnunar.

Að jafnaði er miðað við að ástæður þær sem valda örðugleikunum hafi varað í a.m.k. fjóra mánuði fyrir gjalddaga afborgunar.

### **8.5.2 Undanþága vegna skyndilegra og verulegra breytinga.**

Einnig er stjórn sjóðsins heimilt að veita undanþágu frá árlegri endurgreiðslu að hluta eða öllu leyti, ef skyndileg og veruleg breyting hefur orðið á högum lánþega þannig að útsvarsstofn vegna tekna á fyrra ári gefur ekki rétta mynd af fjárhag lánþega á endurgreiðsluárinu. Heimildin miðast við að skyndileg og alvarleg veikindi, slys eða aðrar sambærilegar ástæður valdi verulegri skerðingu á ráðstöfunarfé og á möguleika til að afla tekna.

### **8.5.3 Sótt um undanþágu.**

Lánþegi sem óskar eftir undanþágu frá endurgreiðslu námsláns skal sækja um það á þar til gerðu umsóknareyðublaði og láta nákvæmar upplýsingar sem þar er óskað eftir fylgja. Sækja þarf um undanþágu fyrir hvern gjalddaga fyrir sig.

Umsókn um undanþágu frá endurgreiðslu námsláns skal berast sjóðnum eigi síðar en 60 dögum eftir gjalddaga afborgunar. Hafi ósk um undanþágu **ekki** borist sjóðnum fyrir þessi tímamörk er óheimilt að veita undanþágu, sbr. 7. mgr. 8. gr. laga um sjóðinn.

Ef veitt er undanþága, þá á hún einungis við þann gjalddaga sem umsóknin miðaðist við. Veitt undanþága frá endurgreiðslu S- og/eða V-láns hefur **ekki** áhrif á fjölda endurgreiðsluára, þ.e. endurgreiðslutíminn lengist sem nemur undanþágutímanum.

Sjóðurinn áskilur sér heimild til þess að óska eftir því að trúnaðarlæknir sjóðsins á hverjum tíma aflí upplýsinga hjá viðkomandi lækni um innsent læknisvottorð og gefi umsögn um efni þess. Verði slíkar upplýsingar **ekki** veittar getur sjóðurinn litið svo á að fullnægjandi umsókn hafi **ekki** verið skilað.

## **8.6 Greitt af lánum í fleiri en einum lánaflokki.**

Lánþegi sem skuldar eldri námslán en G-lán skal fyrst endurgreiða eldri lánin. Á næsta almanaksári eftir að endurgreiðslu þeirra lýkur eða á að vera lokið skal hann hefja endurgreiðslu G-lánsins.

Ef lánþegi skuldar R-lán og jafnframt V- eða S-lán skal hann fyrst greiða R-lánið. Ef lánþegi greiðir bæði af V- og S-láni dragast afborganir V-láns frá afborgunum S-lánsins.

### 8.7 Vanskil.

Ef lánþegi greiðir **ekki** afborgun á réttum tíma og hefur **ekki** samið við sjóðinn um greiðslu, er krafan send til lögmanna í innheimtu. Ef krafa á hendur lánþega er þegar í innheimtu hjá lögmönnum fara nýjar kröfur beint í innheimtu hjá lögmönnum. Þegar afborgun er í lögmansinnheimtu ber lánþega að semja um skuld sína beint við lögmenn án milligöngu sjóðsins. Standi lánþegi **ekki** í skilum, er sjóðnum heimilt að gjaldfella höfuðstól lánsins og innheimta með hæstu leyfilegu dráttarvöxtum.

## IX. KAFLI

### Vafamál.

#### 9.1 Hlutverk stjórnar.

Það er eitt af hlutverkum stjórnar að skera úr vafamálum er varða einstaka lánþega og öðrum málum. Ákvörðun stjórnar má vísa til málskotsnefndar, sbr. gr. 9.5.

Ákvarðanir stjórnar varðandi erindi sem berast sjóðnum skulu rökstuddar og tilkynntar skriflega, nema það sé augljóslega óþarft. Ákvörðun er bindandi eftir að hún er komin til aðila. Námsmanni eða öðrum þeim sem í hlut á er heimilt að fá mál endurupptekið, sbr. gr. 9.4 eða getur óskað eftir úrskurði málskotsnefndar, sbr. gr. 9.5. Um málsmeðferð að öðru leyti fer eftir stjórnarsýslulögum, nr. 37/1993.

#### 9.2 Málsmeðferð.

Áður en stjórn sker úr vafamáli skal sérstök undirnefnd skipuð úr hópi stjórnarmanna, endurgreiðslunefnd eða vafamálanefnd eftir atvikum, undirbúa og gera tillögur til stjórnar sjóðsins. Nefndin skal yfirfara afgreiðslu hliðstæðra mála og þau mál sem talin eru koma næst því máli sem er til ákvörðunar.

#### 9.3 Rökstuðningur.

Í rökstuðningi skal vísa til þeirra réttarreglna sem ákvörðun sjóðsins er byggð á, lögum, reglugerð, úthlutunarreglum eða bókun stjórnar eftir því sem við á. Að því marki, sem ákvörðun byggir á mati, skal í rökstuðningnum greina frá þeim meginsjónarmiðum sem ráðandi voru við matið.

#### 9.4 Endurupptaka.

Eftir að stjórn sjóðsins hefur tekið ákvörðun og hún tilkynnt á aðili máls rétt á því að mál hans sé tekið til meðferðar á ný ef ákvörðun hefur byggst á ófullnægjandi eða röngum upplýsingum um málsatvik.

Beiðni um endurupptöku skal að jafnaði bera fram innan 3 mánaða frá tilkynningu til aðila máls um niðurstöðu stjórnar.

#### 9.5 Málskotsnefnd.

Menntamálaráðherra skipar málskotsnefnd þriggja manna. Nefndin sker úr um hvort ákvarðanir stjórnar séu í samræmi við ákvæði laga og reglugerða. Nefndin getur staðfest, breytt eða fellt úr gildi ákvarðanir stjórnar sjóðsins. Úrskurður nefndarinnar skal vera rökstuddur og er endanlegur á stjórnarsýslustigi.

Kæra til málskotsnefndar skal berast innan 3 mánaða frá tilkynningu til aðila máls um niðurstöðu stjórnar.

## X. KAFLI

### Gildistaka.

Reglur þessar voru samþykktar af stjórn Lánasjóðs íslenskra námsmanna þann 13. febrúar 2015. Reglurnar öðlast gildi þegar þær hafa verið staðfestar af ráðherra og birtar í Stjórnartíðindum í samræmi við 16. gr. laga um Lánasjóð íslenskra námsmanna nr. 21/1992.

Reglurnar gilda fyrir námsárið 2015-2016.

Reglurnar eru samþykktar með fyrirvara um að fullnægjandi heimildir fái á fjárlögum vegna ársins 2016. Fáist **ekki** fullnægjandi heimildir á fjárlögum veita reglur þessar engin réttindi og sæta endurskoðun til samræmis við niðurstöður fjárlaga.

**Fylgiskjal I.****Framfærslugrunnur og greinargerð með grunnframfærslu fyrir skólaárið.****Framfærslugrunnur LÍN.**

Við útreikning framfærslugrunns er byggt á grunnviðmiði neysluviðmiða velferðarráðuneytisins og er hann uppreiknaður miðað við hækkun vísitölu neysluverðs á árinu 2014 frá Hagstofu Íslands. Húsnæðiskostnaður tekur hins vegar mið af leigu á stúdentagörðum háskólanna fyrir einstaklings-, par- og fjölskylduhúsnæði.

Húsnæðiskostnaður tekur mið af fjölskylduhögum og þannig verður viðbótarkostnaði vegna búsetu námsmanna sem eru í eigin húsnæði/leiguhúsnæði skipt í sex flokka:

- I. Námsmaður (einhleypur)
- II. Námsmaður í hjúpskap/skráðri sambúð, ekki barn á heimili
- III. Námsmaður í hjúpskap/skráðri sambúð, með eitt barn
- IV. Námsmaður í hjúpskap/skráðri sambúð, með tvö börn eða fleiri
- V. Einstætt foreldri, með eitt barn
- VI. Einstætt foreldri, með tvö börn eða fleiri

Í þeim tilvikum þar sem um sambúð eða hjúpskap er að ræða er gert ráð fyrir að báðir sambúðar- aðilar standi jafnt að húsnæðiskostnaði. Þannig tekur framfærslan mið af raunverulegri framfærsluþörf mismunandi hópa námsmanna, þ.e. miðað við búsetuform og fjölskyldustærð.

Framfærslugrunnur LÍN	Á ári (kr.)	Á mán (kr.)	Lán LÍN	
			Á mán (kr.)	ECTS (kr.)
<b>Grunnframfærsla</b>				
<b>(matur, ferðir, bókalán o.fl.):</b>				
Námsmaður í foreldrahúsi	1.015.560	84.630	76.167	11.425
Námsmaður	1.309.560	109.130	98.217	14.733
<b>Húsnæði:</b>				
i. Námsmaður (einhleypur) í leiguhúsnæði eða eigin húsnæði	900.000	75.000	67.500	10.125
ii. Námsmaður í hjúpskap/skráðri sambúð, ekki barn á heimili	636.000	53.000	/106.000	47.700
iii. Námsmaður í hjúpskap/skráðri sambúð, með eitt barn	744.000	62.000	/124.000	55.800
iv. Námsmaður í hjúpskap/skráðri sambúð, með tvö börn eða fleiri	804.000	67.000	/134.000	60.300
v. Einstætt foreldri, með eitt barn	1.488.000	124.000	/124.000	111.600
vi. Einstætt foreldri, með tvö börn eða fleiri	1.608.000	134.000	/134.000	120.600

Framangreindar tölur miðast við einstakling þ.e. án framfærslu barna þar sem það á við.

**Ráðstöfunartekjur.**

Líkt og árið áður geta námsmenn unnið fyrir 930.000 kr. í árstekjur án þess að til tekjuskerðingar (frítækjumark) komi. En þá er jafnframt gert ráð fyrir að þær ráðstöfunartekjur námsmanns standi undir 10% af framfærsluþörf námsmanns á námstíma (var 19% á síðasta skólaári).

Eftirfarandi tafla sýnir áætlaðar ráðstöfunartekjur miðað við ofangreindar forsendur:

Ráðstöfunartekjur námsmanns	ári	mán.
	(kr.)	(kr.)
Námsmaður í foreldrahúsi	1.615.503	134.625
Námsmaður (einhleypur) í leiguhúsnæði eða eigin húsnæði	2.421.453	201.788
Námsmaður í hjúpskap/skráðri sambúð, ekki barn á heimili	2.243.253	186.938
Námsmaður í hjúpskap/skráðri sambúð, með eitt barn	2.316.153	193.013
Námsmaður í hjúpskap/skráðri sambúð, með tvö börn eða fleiri	2.356.653	196.388
Einstætt foreldri, með eitt barn	2.818.353	234.863
Einstætt foreldri, með tvö börn eða fleiri	2.899.353	241.613

Framangreindar tölur miðast við einstakling þ.e. án framfærslu barna þar sem það á við.

**Framfærsla LÍN.**

Framfærsla LÍN á námsárinu 2015-2016 verður eftirfarandi:

Framfærsla LÍN	Skólaár	Mán.	ECTS
	(kr.)	(kr.)	ein.
Námsmaður í foreldrahúsi	685.503	76.167	11.425
Námsmaður (einhleypur) í leiguhúsnæði eða eigin húsnæði *	1.491.453	165.717	24.858
Námsmaður í hjúpskap/skráðri sambúð, ekki barn á heimili *	1.313.253	145.917	21.888
Námsmaður í hjúpskap/skráðri sambúð, með eitt barn *	1.386.153	154.017	23.103
Námsmaður í hjúpskap/skráðri sambúð, með tvö börn eða fleiri *	1.426.653	158.517	23.778
Einstætt foreldri, með eitt barn *	1.888.353	209.817	31.473
Einstætt foreldri, með tvö börn eða fleiri *	1.969.353	218.817	32.823

(\*) Gildir fyrir námsmenn í leiguhúsnæði eða eigin húsnæði.

Framangreindar tölur miðast við einstakling þ.e. án framfærslu barna þar sem það á við.

**Fylgiskjal II.**

Samþykkt framfærsla erlendis. Neðangreind tafla miðar við húsnæðiskostnað einstaklings í leiguhúsnæði/eigin húsnæði.

Fyrir aðra gildir að húsnæðiskostnaður tekur mið af fjölskylduhögum, sbr. eftirfarandi margföldunarhlutfall:

<u>Húsnæði</u>	<u>Hlutfall</u>	<u>Húsnæði</u>	<u>Hlutfall</u>
Námsmaður	100%	Samb./hjúsk. 2 börn eða fl.	89%
Sambúð/hjúskapur	71%	Einstæður, 1 barn	165%
Sambúð/hjúsk., 1 barn	83%	Einstæður, 2 börn eða fl.	179%

**Framfærsla erlendis 2015-2016.**

					<b>Matur o.fl.</b>	<b>Húsnæði</b>	<b>Framf.</b>	<b>Framf. barns</b>
		<b>Framfærsla</b>	<b>Húsn.</b>	<b>Framf.</b>	<b>/ECTS</b>	<b>/ECTS</b>	<b>/ECTS</b>	<b>/ECTS</b>
<b>Land</b>	<b>Mynt</b>	<b>matur o.fl.</b>	<b>kostn.</b>	<b>alls</b>	<b>ein.</b>	<b>ein.</b>	<b>ein.all</b>	<b>ein.</b>
Danmörk	DKK	4.826	3.847	8.673	724	577	1.301	201
Árósar	DKK	4.770	3.952	8.722	716	593	1.309	201
Kaupmannahöfn	DKK	5.011	4.699	9.710	752	705	1.457	201
Óðinsvé	DKK	5.227	3.474	8.701	784	521	1.305	201
Finnland	EUR	586	463	1.049	88	69	157	27
Noregur	NOK	6.646	3.946	10.592	997	592	1.589	237
Svíþjóð	SEK	5.369	4.212	9.581	805	632	1.437	253
Austurríki	EUR	896	654	1.550	134	98	232	27
Belgía	EUR	560	597	1.157	84	90	174	27
Bosnia	EUR	794	272	1.066	119	41	160	27
Eistland	EUR	603	451	1.054	90	68	158	27
England	GBP	593	510	1.103	89	77	166	20
London	GBP	676	611	1.287	101	92	193	20
Norður-Írland	GBP	712	517	1.229	107	78	185	20
Skotland	GBP	529	528	1.057	79	79	158	20
Wales	GBP	460	589	1.049	69	88	157	20
Frakkland	EUR	605	563	1.168	91	84	175	27
París	EUR	631	684	1.315	95	103	198	27
Grikkland	EUR	558	704	1.262	84	106	190	27
Holland	EUR	555	602	1.157	83	90	173	27
Amsterdam	EUR	630	535	1.165	95	80	175	27
Írska lýðveldið	EUR	791	671	1.462	119	101	220	27
Ítalía	EUR	736	583	1.319	110	87	197	27
Mílanó	EUR	598	760	1.358	90	114	204	27
Róm	EUR	901	770	1.671	135	116	251	27
Kósóvó	EUR	677	405	1.082	102	61	163	27
Króaía	EUR	591	425	1.016	89	64	153	27
Kýpur	EUR	654	376	1.030	98	56	154	27
Lettland	EUR	650	329	979	98	49	147	27
Litháen	EUR	814	223	1.037	122	33	155	27
Lúxemborg	EUR	640	599	1.239	96	90	186	27
Malta	EUR	759	394	1.153	114	59	173	27
Mexíkó	USD	483	1.011	1.494	72	152	224	31



					Matur o.fl.	Húsnæði	Framf.	Framf. barns
		Framfærsla	Húsn.	Framf.	/ECTS	/ECTS	/ECTS	/ECTS
Land	Mynt	matur o.fl.	kostn.	alls	ein.	ein.	ein.alls	ein.
Mónakó	EUR	358	1.114	1.472	54	167	221	27
Portúgal	EUR	447	411	858	67	62	129	27
Pólland	EUR	721	296	1.017	108	44	152	27
Rússland	EUR	914	412	1.326	137	62	199	27
Serbía	EUR	643	311	954	96	47	143	27
Slóvakía	EUR	517	467	984	78	70	148	27
Slóvenía	EUR	560	428	988	84	64	148	27
Spánn	EUR	653	510	1.163	98	77	175	27
Sviss	CHF	1.526	993	2.519	229	149	378	28
Tékkland	EUR	556	501	1.057	83	75	158	27
Tyrkland	EUR	466	695	1.161	70	104	174	27
Ungverjaland	EUR	880	500	1.380	132	75	207	27
Þýskaland	EUR	643	451	1.094	96	68	164	27
München	EUR	652	560	1.212	98	84	182	27
Bandaríkin A	USD	1.204	1.052	2.256	181	158	339	31
Bandaríkin B	USD	896	866	1.762	134	130	264	31
Kanada A	CAD	675	1.008	1.683	101	151	252	39
Kanada B	CAD	505	1.161	1.666	76	174	250	39
Brasilía	USD	357	713	1.070	54	107	161	31
Ekvador	USD	268	860	1.128	40	129	169	31
Perú	USD	520	729	1.249	78	109	187	31
Síle	USD	1.025	495	1.520	154	74	228	31
Filippseyjar	USD	480	589	1.069	72	88	160	31
Íran	USD	536	567	1.103	80	85	165	31
Ísrael	EUR	545	636	1.181	82	95	177	27
Japan	JPY	117.894	76.523	194.417	17.684	11.478	29.162	3.591
Tokyo	JPY	116.392	76.932	193.324	17.459	11.540	28.999	3.591
Kína	USD	551	734	1.285	83	110	193	31
Malasía	USD	846	387	1.233	127	58	185	31
Sam. arabísku fur.	USD	977	1.371	2.348	147	206	353	31
Singapúr	USD	697	748	1.445	105	112	217	31
Suður-Kórea	USD	905	746	1.651	136	112	248	31
Tæland	EUR	646	548	1.194	97	82	179	27
Ástralía	AUD	1.117	905	2.022	168	136	304	39
Nýja-Sjáláland	AUD	840	935	1.775	126	140	266	39

Vakin er athygli á að vænta má lækkunar á framfærslu í sumum löndum/borgum á næstu árum. Nánari upplýsingar um þetta er að finna á heimasíðu LÍN. Auk þess sem hægt er að hafa samband við LÍN og óska eftir nánari upplýsingum.

**Fylgiskjal III.****Hámark skólagjalda og tungumálanáms.**

Land	Mynt	Hámark skólagjaldalána	Hámarkstími tungumálanáms
Danmörk	DKK	295.000	
Árósar	DKK	295.000	
Kaupmannahöfn	DKK	295.000	
Óðinsvé	DKK	295.000	
Finland	EUR	40.000	1 námsár
Noregur	NOK	301.000	
Svíþjóð	SEK	359.000	
Austurríki	EUR	40.000	0,5 námsár
Belgía	EUR	40.000	0,5 námsár
Bosnia	EUR	40.000	1 námsár
Eistland	EUR	40.000	1 námsár
England	GBP	27.400	
London	GBP	27.400	
Norður-Írland	GBP	27.400	
Skotland	GBP	27.400	
Wales	GBP	27.400	
Frakkland	EUR	40.000	0,5 námsár
París	EUR	40.000	0,5 námsár
Grikkland	EUR	40.000	1 námsár
Holland	EUR	40.000	1 námsár
Amsterdam	EUR	40.000	1 námsár
Írski Lýðveldið	EUR	40.000	
Ítalía	EUR	40.000	0,5 námsár
Mílanó	EUR	40.000	0,5 námsár
Róm	EUR	40.000	0,5 námsár
Kósóvó	EUR	40.000	1 námsár
Króatía	EUR	40.000	1 námsár
Kýpur	EUR	40.000	1 námsár
Lettland	EUR	40.000	1 námsár
Litháen	EUR	40.000	0,5 námsár
Lúxemborg	EUR	40.000	0,5 námsár
Malta	EUR	40.000	
Mexíkó	USD	44.100	0,5 námsár
Mónakó	EUR	40.000	0,5 námsár
Portúgal	EUR	40.000	0,5 námsár
Pólland	EUR	40.000	1 námsár
Rússland	EUR	40.000	1 námsár
Serbía	EUR	40.000	1 námsár
Slóvakía	EUR	40.000	1 námsár
Slóvenía	EUR	40.000	1 námsár
Spánn	EUR	40.000	0,5 námsár
Sviss	CHF	57.700	0,5 námsár
Tékkland	EUR	40.000	1 námsár
Tyrkland	EUR	40.000	1 námsár
Ungverjaland	EUR	40.000	1 námsár

<b>Land</b>	<b>Mynt</b>	<b>Hámark skólagjaldalána</b>	<b>Hámarkstími tungumálanáms</b>
Þýskaland	EUR	40.000	0,5 námsár
München	EUR	40.000	0,5 námsár
Bandaríkin A	USD	44.100	
Bandaríkin B	USD	44.100	
Kanada A	CAD	57.800	
Kanada B	CAD	57.800	
Brasilía	USD	44.100	0,5 námsár
Ekvador	USD	44.100	0,5 námsár
Perú	USD	44.100	0,5 námsár
Síle	USD	44.100	0,5 námsár
Filippseyjar	USD	44.100	0,5 námsár
Íran	USD	44.100	1,5 námsár
Ísrael	EUR	40.000	1,5 námsár
Japan	JPY	4.560.000	1,5 námsár
Tokyo	JPY	4.560.000	1,5 námsár
Kína	USD	44.100	1,5 námsár
Malasía	USD	44.100	1,5 námsár
Sam. arabísku fur.	USD	44.100	1,5 námsár
Singapúr	USD	44.100	1,5 námsár
Suður-Kórea	USD	44.100	1,5 námsár
Tæland	EUR	40.000	1,5 námsár
Ástralía	AUD	62.100	
Nýja-Sjáland	AUD	62.100	

**Fylgiskjal IV.****Sérnáám á Íslandi (leiðbeinandi yfirlit), sbr. grein 1.2.2.**

	<b>Óláshæf misseri</b>	<b>Fjöldi láshæfra missera</b>
<b>Fjölbrauta-, iðn- og verkmenntaskólar</b>		
<i>Iðngreinar</i>		
Grunnnám bíliðna	Óláshæft	0
Bíliðngreinar	Ekkert	6
Grunnnám bygginga-/mannvirkjagr.	Óláshæft	0
Húsa- og húsgagnasmíði	Ekkert	6
Málaraiðn	Ekkert	6
Múrsmiði	Ekkert	6
Fatataekni	1. og 2. misserið	2
Fataiðnbrautir	Ekkert	6
Grunnnám matvæla/veitinga	Óláshæft	0
Matvæla- og veitingaiðngreinar	Ekkert	5-6
Grunnnám málmíðna	1. og 2. misserið	2
Málmíðngreinar	Ekkert	4
Grunnnám rafíðna	1. og 2. misserið	2
Rafíðngreinar	Ekkert	4
Gull- og silfursmiði	1. misserið	6
Hársnyrtibraut	1. misserið	6
Meistaránám	Ekkert	1-4
Pípulagnir	1. misserið	6
Símsmiði	1. misserið	6
Snyrtibraut	Almenna aðfaranámið	6
Upplýsinga- og fjölmiðlabraut	1. misserið	5
<i>Annað starfsnám</i>		
Atvinnuflugmannsnám (JAR)	Ekkert	3
Ferðamálanám	Verknámið	2
Félagliðabraut	1. misserið	3
Heilsunudd	1. misserið	4
Flugumferðarstjóranám	Ekkert	1
Flugvirkjanám	Ekkert	5
Hljóðtækni	Ekkert	3
Heilbrigðisritarabraut	1. misserið	3
Leiðsögunám	Ekkert	2
Lyfjateknabraut	Almenna aðfaranámið	6
Læknaritarabraut	Starfsnámið	3
Margmiðlunarbraut	Ekkert	4
Matartæknánám	1. misserið	5
Sjúkraliðabraut	1. og 2. misserið	5
Skipstjórnarnám	1. og 2. misserið	6
Tanntæknabraut	1. misserið	4
Tækniteiknun	1. og 2. misserið	4
Vélstjórnarbraut	1. og 2. misserið	8
<b>Háskólinn á Bifröst</b>		
Háskólagátt	Ekkert	2
<b>Háskólinn í Reykjavík</b>		
Frumgreinasvið	1. misserið	3
<b>Isavia</b>		
Flugumferðarstjóranám	Ekkert	3
<b>Keilir</b>		
Atvinnuflugmannsnám (JAR)	Ekkert	3
Einkaþjálfari	Ekkert	2
Flugvirkjanám	Ekkert	4
Háskólabró	Ekkert	3

	<b>Óláshæf misseri</b>	<b>Fjöldi láshæfra missera</b>
Ævintýraleiðsögn	Ekkert	2
<b>Kvikmyndaskóli Íslands</b>		
Kvikmyndagerð	Ekkert	4
<b>Ljósmyndaskólinn</b>		
Ljósmyndanám	Ekkert	5
<b>Landbúnaðarháskóli Íslands</b>		
Blómaskreytingar	Ekkert	6
Búfræði	Ekkert	4
Garðyrkjuframleiðsla	Ekkert	6
Skógur og náttúra	Ekkert	6
Skrúðgarðyrkjubraut	Ekkert	6
<b>Lögregluskólinn</b>		
Lögreglunám	Starfsnámið	2
<b>Myndlistaskólinn á Akureyri</b>		
Myndlist	Ekkert	6
Grafísk hönnun	Ekkert	6
<b>Myndlistaskólinn í Reykjavík</b>		
Mótun	Ekkert	4
Teikning	Ekkert	4
Textil	Ekkert	4
<b>Snyrti-Akademian</b>		
Snyrtifræði	Ekkert	5
Fótaaðgerðafræði	Ekkert	3
<b>Tónlistarskólar</b>		
Hljóðfæra- og söngnám eftir framhaldspróf	Ekkert	2-4
Kennaradeildir	Ekkert	2

**Skilgreiningar á helstu hugtökum.**

<b>ECTS-eining:</b>	ECTS (European Credit Transfer and Accumulation System) er samræmdur mælikvarði á nám í aðildarríkjum Evrópusambandsins og annarra þátttakenda í Bolognaferlinu. 60 ECTS-einingar jafngilda fullu námsári.
<b>Fjórðungur/önn:</b>	Ef skólaári er skipt í þrjú tímabil, þ.e. haust-, vetrar- og vorönn er miðað við að námsmaður í fullu námi hafi stundað nám í þrjá fjórðunga (annir) á námsárinu. Sumarönn telst vera fjórði fjórðungurinn.
<b>Fullt nám:</b>	Námsmaður telst ljúka fullu námi ljúki hann 60 ECTS-einingum á skólaárinu.
<b>Grunnframfærsla:</b>	Sú fjárhæð sem sýnir lánsþörf námsmanns í leiguhúsnæði á námstíma eins og hún er skilgreind af stjórn sjóðsins.
<b>Lánsáætlun:</b>	Eftir að námsmaður hefur sótt um námslán og skilað þeim gögnum sem sjóðurinn hefur óskað eftir, er reiknað út hversu hátt lán viðkomandi á rétt á miðað við tekjur og fjölskylduhagi. Lánsáætlun er birt rafrænt á „Mitt svæði“ námsmanns og gefur hún kost á tímabundinni fyrirgreiðslu hjá viðskiptabanka námsmanns. Komi í ljós að lánsáætlun byggji á mistökum eða á röngum forsendum miðað við gildandi úthlutunarreglur þess námsárs sem sótt er um lán fyrir áskilur LÍN sér rétt til þess að breyta lánsáætlun til samræmis við þær reglur.
<b>Lokun skuldabréfs:</b>	Skuldabréfi er lokað við lok þess tímabils sem námsmaður þiggur námslán, þ.e. við lok síðasta aðstoðartímabilsins. Vextir reiknast á lánið frá og með lokun skuldabréfs og almennt er miðað við að endurgreiðslur þess hefjist tveimur árum síðar.
<b>Maki:</b>	Átt er við aðila sem er í hjúskap eða skráðri sambúð með lántaka.
<b>Misseri:</b>	Ef skólaári er skipt upp í tvö jafnlöng tímabil að jafnaði, haust- og vormisseri er miðað við að námsmaður í fullu námi hafi stundað nám í tvö misseri. Sumarmisseri telst vera þriðja misserið.
<b>Námsár:</b>	Er almennt 12 mánuðir og hefst að hausti og lýkur að sumri. Ef námsmaður stundar nám á sumarönn tilheyrir sú önn undangengnu námsári. Með námsári er í reglum þessum átt við námsárið 2015-2016.
<b>Námsferill:</b>	Námsbraut sem lýkur með tiltekinni prófgráðu. Nýr námsferill hefst skipti námsmaður um skóla, námsgrein eða prófgráðu.
<b>Námslengd:</b>	Réttur námsmanna til námslána er tiltekinn í ECTS-einingum. Hafi námsmaður t.d. lokið 60 ECTS-einingum á skólaárinu og fengið lán fyrir þeim einingum, dragast þær frá þeim einingafjölda sem hann á rétt á lánnum til.
<b>Ofgreidd lán:</b>	Ef námsmaður fær afgreitt herra lán en hann á rétt á, t.d. vegna vanáætlaðra tekna eða fyrirframgreiddra skólagjaldalána og lýkur <b>ekki</b> lánshæfum námsárangri á önninni, ber honum að endurgreiða lánið sérstaklega.
<b>Sambúð:</b>	Sambúð tveggja einstaklinga sem skráðir eru í sambúð samkvæmt Þjóðskrá.
<b>Sérnám:</b>	Starfstengt nám sem ekki er kennt á háskólastigi. Nám á framhaldsskólastigi til stúdentsprófs telst ekki til sérnáms.
<b>Sjálfskuldarábyrgð:</b>	Skuldarábyrgð sem er þannig háttáð að ábyrgðarmanni er skylt að greiða skuldina á gjalddaga þótt kröfuhafi hafi engar tilraunir gert til að fá hana greidda hjá aðalskuldara.
<b>Skólaár:</b>	Er almennt 9 mánuðir og hefst að hausti og lýkur að vori. Með skólaári er í reglum þessum átt við skólaárið 2015-2016.

- Svigrúm:** Möguleg lágmarksnámsframvinda og heildarlánstími í tilteknu námi. Er meðal annars átt við fjölda eininga sem heimilt er að lána fyrir.
- Umframeiningar:** Ef námsárangur námsmanns er umfram 30 ECTS-einingar á einhverju misseri skólaársins, þá á viðkomandi rétt á að nýta umframeiningarnar á öðru misseri sama skólaárs eða síðar í sama námsferli svo framarlega sem lágmarksrangri (22 ECTS) er náð á misserinu.
- Undirbúningsnám:** Nám til undirbúnings námi á háskólastigi.
- Útreikningsmynt:** Námslán eru reiknuð í mynt þess lands þar sem námsmaður stundar nám sitt. Í ákveðnum tilvikum er útreikningsmynt önnur en mynt námslands.

**Fylgiskjal V.****Lán sem sjóðurinn hefur veitt.**

Heiti	Veitt	Vextir	Endurgr. hefst m.v. námslok	Endurgr. tími	Gjald dagar
M	1952-61	3,50%	3 ár	10 ár	1. maí og 1. nóv.
N	1952-61	3,50%	3 ár	10 ár	1. feb. og 1. nóv.
M	1961-67	3,50%	3 ár	15 ár	1. maí og 1. nóv.
N	1961-67	3,5	3 ár	15 ár	1. feb. og 1. nóv.
L	1967-75	5%	5 ár	15 ár	1. júní
K	1975	13%	1 ár	4 ár	1. apríl og 1. nóv.
X*	1976-82	Verðtryggt	3 ár	20 ár	1. júlí og 1. nóv.
T**	1982-92	Verðtryggt	3 ár	40 ár	1. mars og 1. sept.
R	1992-2005	allt að 3% +verðtryggt	2 ár	óákv.	1. mars og 1. sept.
G	2005-	allt að 3% +verðtryggt	2 ár	óákv.	1. mars og 1. sept.

\*nefnast V-lán eftir sameiningu

\*\*nefnast S-lán þegar endurgreiðsla hefst

**Helstu breytingar á úthlutunarreglum skólaársins.**

- Lánað verður til eins árs til einkanáms í tónlist með þeirri undantekningu að hafi nemandi hafið nám á árinu 2014-2015 þá fær hann að ljúka seinna árinu á lánum. Frá og með árinu 2016-2017 verður einkanám í tónlist ekki lánshæft.
- Hámarkseiningafjöldi sem hægt er að fá lán fyrir verði 540 ECTS-einingar í stað 600 ECTS-eininga. Þetta þýðir að nemandi sem fer í grunnám (180 ECTS), mastersnám (120 ECTS) og doktorsnám (120 ECTS) getur fengið lán sem nemur 9 námsárum með því nýta sér sameiginlegt svigrúm (120 ECTS).
- Aftur er tekin upp regla (stubbaregla) sem kemur til móts við námsmenn sem eru á lokaönn í námi og eiga eftir 12-21 ECTS-einingu. Það sama gildir fyrir nemendur sem geta einungis lokið 15-21 ECTS-einingum á önninni vegna skipulags náms eða mats á fyrra námi. Fá nemendur lán í hlutfalli við þær einingar sem þeir ljúka.
- Framfærslugrunnur námsmanna erlendis er uppfærður í samræmi við greiningu Analytica á framfærslu erlendis. Gert er ráð fyrir að þar sem leiðrétta þurfi framfærslugrunninn til lækkunar verði það gert í áföngum. Þar sem leiðrétting er 10% eða minni, er hún framkvæmd öll á námsárinu 2015-2016. Í öðrum tilfellum er lækkuninni dreift á allt að þrjú námsár, þ.e. leiðrétt verður sem nemur 10% fyrir námsárið 2015-2016, 20% fyrir námsárið 2016-2017 og það sem eftir stendur kemur til lækkunar að fullu á námsárinu 2017-2018. Hins vegar er framfærslan erlendis hækkuð í einu skrefi þar sem hún var metin hærri en framfærslugrunnur LÍN.
- Lán vegna bókakaupa á Íslandi hækka úr 48.000 kr. í 78.000 kr. miðað við fullt nám, þ.e. 60 ECTS-einingar. Jafnframt verður lán vegna bókakaupa fært inn í framfærslugrunn LÍN. Lán vegna bókakaupa í námi erlendis taka mið af niðurstöðum Analytica í mati á nýjum framfærslugrunni erlendis og er fært inn í framfærslugrunninn.
- Gerðar eru grundvallarbreytingar á lánum vegna húsnæðiskostnaðar þannig að lán vegna húsnæðiskostnaðar taki betur mið af fjölskylduhögum og öðrum aðstæðum námsmanns. Þannig verður lán vegna húsnæðis mismunandi eftir því hvort námsmaður (i) er einhleypur eða (ii) í skráðri sambúð/hjúskap, (iii) í skráðri sambúð með eitt barn á framfæri eða (iv) í



skráðri sambúð með tvö eða fleiri börn á framfæri eða er (v) einstætt foreldri með eitt barn á framfæri eða (vi) einstætt foreldri með tvö eða fleiri börn á framfæri.

7. Þá ert gert ráð fyrir að tveir aðilar standi að framfærslu hvers barns. Ekki er hægt að fá bæði lán til framfærslu barns og meðlagslán með sama barninu. Upphæð framfærslulána barna tekur mið af meðlagsgreiðslum TR.
8. Skiptinemar sem jafnframt eru styrkþegar vegna skiptináms eiga ekki rétt á framfærslu eins og hún er í námslandinu enda er styrknum ætlað að mæta breytingu á stöðu og högum námsmanns (m.a. Erasmus- og Nordplus-styrkþegar).
9. Ef nám er skipulagt líkt og læknisfræðinám, þ.e. samfelld nám lengra en 5 ár þá er heimilt að bæta við skólagjaldaláni á 6. árinu sem nemur 1,5 m.kr.
10. Sérstök undanþága á frítekjumarki fyrir námsmenn í MBA, MPM og sambærilegu námi sem ekki er lánshæft til framfærslu, verður felld niður þannig að sá hópur á ekki einnig rétt á margföldu frítekjumarki á seinna ári námsins.
11. Uppgreiðsluafsláttur námslána verður miðaður við daglánavexti SÍ með 1% álagi.